


土岐文庫  
文庫17  
W82  
23



文庫 17  
W82  
23

誠齋詩鈔

五七

楊萬里字廷秀吉州吉水人中紹興進士為零陵丞張  
浚勉以正心誠意之學遂自名其室曰誠齋光宗親書  
二字賜之歷官國學太常知漳州常州提舉廣東常平  
茶鹽帝親擢東宮侍讀以議配饗忤孝宗出知筠州光  
宗召為秘書監尋出江東轉運總領淮西江東朝議  
鐵錢萬里不奉詔改贛州乞祠自是不復出韓侂胄築  
南園屬為記許以掖垣曰官可棄記不可得侂胄權日  
盛遂憂憤成疾家人不敢進邸報適族子自外至言侂  
胄近狀萬里慟哭呼紙書曰姦臣專權謀危社稷吾頭  
顛如許報國無路惟有孤憤別妻子筆落而逝年八十  
三謚文節其詩自序始學江西既學後山五字律既又



昭和六十年二月一日贈  
土岐孝吉唐氏寄

010185188444

學半山七字絕句晚乃學唐人絕句後官荆溪忽若有  
悟遂謝去前學而後渙然自得時目爲誠齋體嘗自焚  
其少作千餘中有如露窠蛛郵緯風語燕懷春立岸風  
大壯還舟燈小明疎星煜煜沙貫月綠雲擾擾水舞苔  
坐忘日月三杯酒卧護江湖一釣船之句舉似尤延之  
歎惋曰詩何必一體焚之可惜也後村謂放翁學力也  
似杜甫誠齋天分也似李白蓋落盡皮毛自出機杼古  
人之所謂似李白者入今之俗目則皆俚嘍也初得黃  
春坊選本又得樵李高氏所錄爲訂正手抄之見者無  
不大笑嗚呼不笑不足以爲誠齋之詩

木樨

只道秋花艷未強此花儘更有商量東風染得千紅紫曾

有西風半點香

考試湖南漕司南歸值雨

我亦知吾生有涯長將病骨抵風沙天寒短日仍爲酒日  
暮長亭未是家又苦征夫催去去更甘飛雨故斜斜舊聞  
行路令人老便恐霜花一半加

題湘中館二首

清境故應好新寒殊不勝征衣愁著盡凭檻喜猶能亂眼  
船離岸關心山見稜箇中有句在下語更誰曾

江欲浮秋去山能渡水來  
姬隅蠻語雜欵乃楚聲  
哀寒早當緣閨詩成未費才  
愁邊正無奈歡伯一相開

野菊

未與騷人當糗糧况隨流俗作重陽  
政緣在野有幽色宜

謝齊江表集卷之二  
二  
爲無人減妙香已晚相逢半山碧便恁也折一枝黃花應  
冷笑東籬族猶向陶翁覓寵光

明發石山

明發愁仍集寒雲又作屯懸知今定雨正坐夜來暄便恐  
禾生耳寧論客斷魂山溪更須入聞有早梅村

普明寺見梅

城中忙失探梅期初見僧窗一兩枝猶喜相看那恨晚故  
應更好半開時今冬不雪何關事作伴孤芳却欠伊月落  
山空正幽獨慰存無酒且新詩

東寺詩僧照上人訪予於普明寺贈以詩

故人溪處白雲隈欲到何因只寄梅歲晚觀山吾獨立泥  
中騎馬子能來轉頭不覺三年別病眼相看一笑開說似

少陵真句法未應言下更空回

臘夜普明寺睡覺

作臘聊春酒依人只短檠略無更可數聽到雨無聲犬吠  
知何苦鷄寒官更鳴生來眠不足老去夢難成

除夕前一日歸舟夜泊曲渦市宿治平寺

江寬風緊折綿寒灘多岸少上水船市何曾遠船不近意  
已先到燈明邊夜投古寺衝泥入濕薪燒作蟲聲泣冷窗  
凍筆更成眠也勝疎蓬仰見天市人歌呼作時節詩人兩  
膝高于頰還家兒女問何如明日此懷猶忍說

癸未上元後永州夜飲趙敦禮竹亭聞蛙醉吟

茆亭夜集俯萬竹初月末光讓高燭主人酒令來無窮恍  
然墮我醉鄉中草間蛙聲忽三兩似笑吾人慳酒量只作

蛙聽故自佳何須更作鼓吹想尚憶同登萬石亭倚欄垂  
手望寒青只今真到寒青裏吾人不飲竹不喜

過百家渡四絕句

出得城來事事幽涉湘乍濟值漁舟也知漁父趁魚急翻  
着春衫不裹頭

園花落盡路花開白白紅紅各自媒莫問早行奇絕處四  
方八面野香來

柳子祠前春已殘新晴特地却春寒疎籬不與花爲護只  
爲蛛絲作網竿

一晴一雨路乾濕半淡半濃山疊重遠草平中見牛背新  
秧疎處有人踪

武岡李簿回多問蕭判官東夫

客有來從天一隅相逢喜問子何如橘洲各自分馬首湘  
水更曾烹鯉魚心近人遐長作惡離多合少可無書得知  
安穩猶差慰敢道韋郎迹也疎

迂新守值雨

春雨不大又不晴只與行人禁送迎小溪綠漲竟何曾官  
路黃泥滑不勝今年送迎乃爾苦去年送迎正如許風巖  
火滅未五更暗行十里鷄三鳴行路最難仍最惡平生歷  
盡今更覺前人失脚後人笑後人失脚那可料

負丞零陵更盡而代者未至家君攜老幼先歸追送  
出城正值泥雨萬感驟集

吾父先歸吾未可吾母已行猶顧我兒女喜歸不解悲我  
愁安得如兒癡墻頭人不須羨居者那知行者歎昨日

幸晴今又雨天公管得行人苦吾母病肺生怯寒晚風鳴  
屋正無端人家養子要作官吾親此行誰使然

和仲良催看黃才叔秀才南園牡丹

愁雨留花花已爛作晴猶喜兩朝寒山城春事無多子可  
緩黃園看牡丹

別教授吳景衡

名揚輔處州人

道合從人笑情親覺別難得朋何恨晚到老幾相看世路  
今逾窄吾徒却自寬此心各相勉不但道加食

龔令國英約小集感冷暴下歸卧感而賦焉

客裏何煩病春餘不謂寒併來無計奈那得有懷寬憎藥  
猶須強耽書更暇看兩親問消息敢道不平安  
吏卒稀仍散僮奴野自親問吾適無恙遽病此何因初覺

身為客還疑老逼人焚香發潑省一笑對殘春

仲良見和再和謝焉

未惜詩脾苦端令鬼膽寒吾才三鼓竭君思九江寬作者  
今猶古燈前捲又看不辭鬚撚斷只苦句難安

誰謂陳三遠髯張下筆親夫何此意合恐有宿生因我豈  
慵開眼年來寡見人更煩題好句割取楚江春

陳三後山先生也

和仲良春晚卽事

欲與東風說休吹墮絮飛吾行正無定魂夢豈忘歸花暖  
能醺眼山濃欲染衣只嫌春已老此景也應稀

貧難聘歡伯病敢跨連錢夢豈花邊到春俄雨裏遷一犁  
關五秉百箔候三眠只有書生拙窮年墾紙田

笋改齋前路蔬眠雨後畦晴江明處動遠樹看來齊我語

真彫朽君詩妙斷泥殷勤報春去恰恰一鶯啼

題黃才叔看山亭

春山葉潤秋山瘦雨山黯黯晴山秀湖湘山色天下稀零陵仍復白其眉作亭不為俗人好箇竹把茅吾事了朝來看山佳有餘為渠更盡一編書

題唐德明建一齋

城南前江後山址竹齋正對寒江啓不嫌漁火亂書燈只苦櫓聲驚睡美平生刺頭鑽故紙晚知此事無多子從渠散漫汗牛書笑倚江楓弄江水

夜離零陵以避同寮追送之勞畱簡諸友

思歸日日只空言一棹今真水月間半夜猶聞郡樓鼓明朝應失永州山

泊冷水浦

前夕放船湘口步約到衡州來日午五程一減作三程謝渠江漲半篙清今日雨來三四五又閉疎篷聽暮雨長年商量泊舟所雨外青山更青處

讀罪已詔時有符離之潰

莫讀輪臺詔令人淚點垂天乎容此帝者謁非羆何罪良家子知他大將誰願懲危度口儻復雁門踦危度口見光武紀二年注

亂起吾降音日吾將強仕年中原仍夢裏南紀且愁邊陛下非常主羣公莫自賢金臺尚未築乃至羨強燕

只道六朝窄渠猶數百春國家祖宗澤天地發生仁歷服端傳遠君王但側身楚人要能懼周命正維新

明發新塗晴快風順約泊樟鎮

雨到中宵歇心知逗曉晴排雲數峰出漏日半江明風借輕帆便天催嬾客行不應樟鎮酒無意待人傾

泊樟頭

此地三接浙從來四肅霜日斜秋樹轉市散暮船忙波捲青中白霞翻紫外黃汀沙渾換却不記舊圓方

蔣蓮店有書柳子厚寄吳武陵琴詩三讀敬哦五言秋晴得涼行壁閣遇佳讀已咽猶餘滋將燼忽贖馥語妙古來多聽難今良獨追誦惜去眼信步遑擬足驚心一鳥鳴隔溪兩峰綠

道逢王元龜閣學

秋日纔升却霧中先生更去恐羣空古雖云遠今猶古公亦安知世重公軒冕何緣關此老江山所過總西風我行安用相逢得不得趨隅又北東

過下梅

不特山盤水亦回溪山信美暇徘徊行人自趁斜陽急關得歸鴉更苦催

到龍山頭

影靜長安道涼風響轡銜海天低到水江日晚明帆潮遣先驅壯聲吞絕島巉黃塵征袖滿却愧着朝衫

見澹菴胡先生舍人

澹翁家近醉翁家二老風流莫等差黃帽朱耶飽烟雨白頭紫禁判鶯花補天老手何須石行地新堤早着沙三歲別公千里見端能解榻淪春芽



跋馬公弼省幹出示山谷草聖院花醉圖名彥輔西人

涪翁浣花醉圖歌詞自作復自寫少陵無人張顛死以  
翁奄有二子者不論釵股與錐沙更斲旱蛟及驚蛇詩仙  
不合兼草聖鬼如天噴教薄命人言愛書緣愛賢紫眉未  
必勝青編舊時鬼門關外客如今一字抵尺璧何須千載  
空相憶

送王監簿民瞻南歸庭珪

潮頭打雲雲不留月波潑窗窗欲流夜寒報晴豈待曉天  
公端為盧溪老盧溪在山不知年盧溪出山即日還黃紙  
苦催得高臥青霞成癖誰能那詔謂先生式國人掉頭已  
復烟林淡路傍莫作兩疏看老儒不用橐中金

澹菴坐上觀顯上人分茶

分茶何似煎茶好煎茶不似分茶巧蒸水老禪弄泉手龍  
興元春新玉爪二者相遭兔甌面怪怪奇奇真善幻紛如  
擘絮行太空影落寒江能萬變銀瓶首下仍尻高注湯作  
字勢嫵姚不須更師屋漏法只問此瓶當響富紫微仙人  
烏角巾喚我起看清風生京塵滿袖息一洗病眼生花得  
再明漢鼎難調要公理策勲茗椀非公事不如回施與寒  
儒歸續茶經傳衲子

和馬公弼夜雨

一雨未辭泥至腰新寒癘氣喜全消都人得此正稀濶遠  
客翻然成寂寥聲在疎簷與黃葉夢回禁漏近丹霄愁心  
却被詩勾引始覺君家我里遙

和湯叔度雪名顯也陽人

誠齋江湖集卷八  
道得閑來儘未閒頗緣幽事攪心閒卧聽雪作披衣起不  
待天明帶月看更覺梅枝殊摘索只驚蓬鬢却羈軍飛花  
豈解知人意風裏時時戲作團

和馬公弼雪

灑竹穿梅湖更山客間得此未嫌寒鬢疎也被輕輕點齒  
冷猶禁細細餐晴了還成三日凍消餘留得半庭看憑誰  
說似王郎婦鹽絮吟來總未安

和符君俞卜鄰

名昌言朱崖人

朱崖柳色欲春風庾嶺梅花尚雪容念子南歸騎瘦馬只  
今誰解好真龍吾州端是山水窟何日來同丘壑曾白鷺  
青原不妨揀誅茅結屋看何從

甲申上元前聞家君不快西歸見梅有感二首

官路桐江西復西野梅千樹壓疎籬昨來都下筠籃底三  
百青錢買一枝

千里來爲五斗謀老親望望且歸休春光儘好關儂事細  
雨梅花只做愁

晚春行田南原

西疇前日塵作霧南村今日波生路雲子從來疎廣文衝  
雨學稼當辭勤農言秧好殊勝麥其如綠針未堪喫吾生  
十指不拈泥毛錐便得傲蓑衣只願邊頭長無事把耒耕  
雲且吾志不愁官馬送還官借牛騎歸不用鞍

聞鶯

過雨溪山淨新晴花柳明來穿兩好樹別作一家聲故欲  
撩詩興仍添懷友情驚飛苦難見那更綠陰成

初夏日出且雨

笑憶唐人句無晴還有晴斜陽白鷗影疎雨子規聲臺閣  
非吾事溪山且此生詩成何用好詩好却難成

清早出城別王宣子舍人

月細惟愁落陽昇未要忙出門鷄未覺夾路稻初香涉世  
寧容懶侵星幸稍涼病來詩久廢覓句費商量

理蔬

小摘吾猶惜頻來逕自成青蟲捕仍有蠹葉病還生貧裏  
猶存竈霜餘正可羹窺園未妨學抱甕更須營

憫農

稻雲不雨不多黃蕎麥空花早着霜已分忍飢度殘歲不  
世歲裏閏添長

和周仲覺三首

書嬾聊遮眼詩窮只掉頭寒醒非不睡薄醉奈何愁火細  
霜還重風停葉自投半生灾疾裏誰遣未休休  
月淡猶明樹霜嚴不刺雲天寒一鴈叫夜半幾人聞詩只  
令吾瘦清聊與子分頻來仍恨少此去更離羣  
春在梅邊動寒從月外來貧如螢不煖心與燭俱灰此意  
悠悠着從誰細細開病來更憂患淚盡但餘哀

乙酉社日偶題

愁邊節裏兩相關茶罷呼兒檢曆看社日雨多晴較少春  
風晚暖曉猶寒也知散策郊行去其奈緣溪路未乾綠暗  
紅明非我事且尋野蕨作蔬盤

和昌英主簿叔社雨

詞齋江浦集  
十一  
愁已春相背詩仍債未還雨聲宜小睡竹戶且深關夢釣  
鷗邊雪衰忘鏡裏顏起來聊覓句句在眼中山

寒食上塚

逕直夫何細橋危可免扶遠山楓外淡破屋麥邊孤宿草  
春風又新阡去歲無梨花自寒食時節只愁予

和蕭伯振見贈

愁裏真成日似年嬾邊覓句此何緣雨荒山谷江西社  
苔臥曹瞞臺底甄頓有珠璣開病眼旋生羽翼欲俱仙  
車斜韻嶮難爲繼聊復酬公莫浪傳

三江小渡

溪水將橋不復回小舟猶倚短篙開交情得似山溪渡不  
管風波去又來

薄晚絕句

春氣吹人不作醒病身感物底心情斜陽也不藏人老偏  
照霜髭一兩莖

彥通叔祖約遊雲水寺

竹深草長綠冥冥有路如無久斷行風亦恐吾愁寺遠殷  
勤隔雨送鐘聲

和昌英叔久雨

積雨今晨也解休殷勤日脚傍花流半明衣桁收梅潤全  
爲農家放麥秋更着好風墮清句不知何地頓閑愁新晴  
佳處無人會隔柳一聲黃栗留

憫旱

鳴鳩喚雨如喚晴水車夜啼聲徹明乖龍嬾睡未渠醒阿

香推熟呼不磨下田半濕高全圻幼秧欲焦老差碧書生  
所向便四壁賣漿逢寒步逢棘還家浪作飽飯謀買田三  
歲兩無秋一門手指百二十萬斛量不盡窮愁小兒察我  
慄不樂旋沽村酒聊相酌更哦子美醉時歌焉知餓死捐  
溝壑水車啞啞止復作

旱後柳寇大作

自憐秋蝶生不早只與夜蛩聲其悲眼邊未覺天地寬身  
後更用文章爲去秋今夏旱相繼淮江未淨柳江沸餓夫  
相語死不愁今年官免和糴不

夢卞及黃世永夢中尤喜談佛既覺感愴不已因和

夢李白韻記焉二首

子在人每憎子亡憎者惻自吾失此友但覺生意息猶解

夢中來豈子餘此憶死生知有無賢聖或未測渾作白日  
看不記夜許黑尚憐紫鸞姿未舉先折翼只驚玉雪容冷  
面帶古色夢淚覺猶濕悲罷喜有得

去年客京都子去我未至得書不得面安用殷勤意猶矜  
各未老相見當亦易不知此蹉跎交道遽云墜一坏胡不  
仁埋此經世志絃絕諒何益蕙歎庸不悴吾聞佛者流正  
以生作累夢中尚微言子豈悲世事

晚望

月是小春春未生節名大雪雪何曾夕陽不管西山暗只  
照東山八九稜

次乞米韻

魯公尚有粥爲食盧老今無僧作鄰文字借令真可煮吾

曹從古不應貧詩腸幸自無烟火句眼何愁着點塵俗子  
豈知貧亦好未須容易向渠陳

次主簿雪韻

向來一雪亦艸艸天知詩人眼未飽相傳南風爲雪骨此  
言未試吾不曉昨日忽驚冬作春暖氣吹人軟欲倒惟餘  
桃李未着花便恐蟄蟲偷出窖南風未了却北風一夜吹  
翻青玉昊今晨冷傍筆管生似妒吟邊事幽討司寒作意  
欲再雪凍雀求哀不容禱令人還憶柳州解道千山絕  
飛鳥誰教愛雪却嫌寒歡喜十分九煩惱詩人凍死不足  
憐凍死猶應談雪好寄聲滕六何似休淨盡將雲爲儂掃

和王才臣

新詩不但不饒儂便恐陰何立下風每與勝談千古事不

知撥盡一爐紅生兒底巧翁何恨得子消愁我未窮剩欲  
同留老三徑念渠何罪亦山中

和蕭伯和韻

桃李何忙開又零老懷易感掃還生略無花片經人眼誰  
道春風不世情睡去恐遭詩作祟愁來當遣酒行成子能  
覓句庸非樂未必胸中有不平

又和絕句

剪剪輕風未是輕猶吹花片作紅聲一生情重嫌春淺老  
去與春無點情

三月三日雨作遣悶絕句

遲日何緣似箇長睡鄉未苦怯茶槍春風解惱詩人鼻非  
葉非花只是香

村落尋花掃地無有花亦自只愁予不如臥聽春山雨一陣繁聲一陣疎

却是春殘景更佳詩人須記許生涯平田漲綠村村麥嫩水浮紅岸岸花

賀澹菴先生胡侍郎新居樂成二首

清廟欹斜一笑扶歸來四壁亦元無可憐拙計輸餘子住破僧房始結廬三徑非遙人自遠萬間不惡我何須冥搜善頌終難好賀厦真成燕不如  
眼高不肖住清都夢繞江南水竹居却入青原更青處飽看黃木硬黃書剪裁風月聊堪醉拆洗乾坤正要渠賜宅不應公得免未知此第似林廬

和主簿叔求潘墨

頗怯冥搜惱藏神却思瘞硯學元賓墨家何以得公重詩債又來欺我貧鏡面松身紛楚楚金華笏樣本陳陳嬾邊此寶端無用送似草玄楊子雲

之永和小憇資壽寺

石子密鋪徑竹莖疎作行不緣憇騶僕幾失此山房佛像看都好林花靜自香來須清興盡歸更借僧牀

和濟翁見寄之韻

只有高爲累元無俗可離正緣隔少面添得許多詩杜老吟邊樹山公醉處池猶須謀一笑人許又何時

和王才臣再病

詩瘦如春瘦時乖抑命乖病過三日雨門掩半扉柴不面何曾久于心便有懷端能暮出否溪水減南崖

分宜逆旅逢同郡客子

在家兒女亦心輕  
行路逢人總弟兄  
未問後來相憶否  
其如臨別不勝情

將至醴陵

行盡崎嶇峽初逢  
熨帖波寒從平野  
有雨傷遠山多也  
自長沙近其如此路  
何披文渾不惡凍手  
奈頻呵

見張欽夫

克已今顏子承家  
小呂申只愁無好手  
不道欠斯人一別  
時非几重來事總  
新祥琴聲尚苦可  
更話酸辛  
不見所知久有懷  
何許開有書終作  
惡千里爲渠來鄒  
魯  
期程遠風霜鬢髮  
催不應師友地只  
麼遣空回

除夕紀句

紫陌相逢誰不客  
青燈作伴未爲孤  
何須家裏作時節  
只問旗亭有酒無

過安仁岸

野水上穿石疎林  
不掩巢雨蒲拳病  
葉風篠禿危梢短  
脛知難續長腰強  
自抄茲游良不惡  
物色困談嘲

白沙買船晚至嚴州

重霧凝朝雨斜陽  
竟晚晴萬山江外  
盡一墪嶺尖明身  
小寧嫌窄途長已  
倦行子陵臺下水  
未酌意先清

都下無憂館小樓春盡旅懷二首

病眼逢書不敢開  
春泥謝客亦無來  
更無短計消長日  
且遶欄干一百回

不關老去願春遲  
只恨春歸我未歸  
最是楊花欺客子  
向



人一 一作西飛

桐廬道中

肩輿坐 茶力短野堠無人山路長鴉雀聲權人不會  
杷一樹十分黃

金溪道中

野花垂路止人行田水偏尋缺處鳴近浦人家隨曲折  
秋天氣半陰晴

見王宣子侍郎二首

不作任文客投閑可得辭高多真自累了事竟成癡到底  
須良匠非渠更阿誰莫嫌風雪惡要試歲寒枝

老去渾多難愁來敢怨天生遭文字誤更結簿書緣苦憶  
懸聞榻誰回雪後船三年纔一見白歲幾三年

都下和同舍客李元老承信贈詩之韻

論交何必星霜久白頭得似傾蓋友長安市上李將軍挽  
弓舊不論石斗只今有子似渠長清夜讀書雪邊牖雲端  
烽煙半點無怪來將軍不好武遺我驪珠三百顆字字鑄  
鏡未曾苟得得且看錢塘潮草草言攀渭城柳朝家金印  
斗樣大情知不上書生肘儒冠多誤儂飽諳毛錐焉用君  
知否便應早請終軍纓徑須繫取

首居延蒲類水如

天吹作春風一杯酒歸來冠劍上凌煙剩作功名落人口  
如何收斂許光芒也趁槐花黃裏走獻璞雖真不救脛絕  
絃何如只停手人生匹似風中花榮瘁昇沉豈非偶與君  
早賦歸去來名垂萬古知何有不如耳熱歌鳴鳴醉帽歌  
傾衣不紐詩流倡和秋蟲鳴僧房問答獅子吼儘令俗客

不妨來白眼相看勿分割

和李天麟秋懷二絕句

雙井無人後山死只今誰子定傳燈老夫言語渾無味不  
但秋來面可憎

小立南溪暮未還略容老子照衰顏頗驚暝色來天外未  
必秋聲在樹間

秋曉出郊二絕句

初日新寒正曉霞殘山澹水稍人家霜紅半臉金嬰子雪  
白一川蕎麥花

野菊相依露下叢冷香自送水邊風豐年氣象無多子只  
在鷄鳴犬吠中

胡英彥得歐陽公二帖益訓其子仲純叔弼之語其

一公自書之其一東坡書之英彥刻石以遺朋友

吾叔父春卿得一本有詩謝英彥和焉萬里用其

韻以簡英彥

聖處恥安在談者一何易注瓦務細巧峰鼎喪良貴羣兒  
有新舌六學無故意向來孟韓息不有歐蘇繼庸知死後

者未渠去聲鄉原棄同時鷓鴣噪並起爪嘴利兩公察膏肓

與世作薑桂挾山初作難破竹忽乘勢雙明日配月再立

仁與義我有香一瓣恨不生並世厥今聖城裏澹叟真守

器惟來蘭玉秀渠以清白遺當家有學林英彥道號滿腹

惟典記人間市井言眼界冠讐視獨於兩公帖費此平生

喜麝煤叩山骨臥聽丁丁美令我竹林老亦復拜嘉惠敢

云賡絕唱頗欲與茲事朝來窗几爽盡室問何瑞寶帖更

新詩小子汝其志

四印室長句效劉信夫作呈信夫

廣文眼力自超然作室題詩字字妍憤世疾邪聊爾耳未  
必崔君真鶴言涪州別駕亦浪語渠家四印何曾鑄漫向  
世人言養生涪州却向沂州去廣文平生不解愁只將新  
句敵新秋白浪如山風打頭江南江北一虛舟坐上無羶  
惟有客青燈枉草強邊策萬言萬當不如默誤人又指庭  
前栢

人日詰朝從昌英叔出謁

四序各自佳要不如春時何必花與柳始愛春物熙今晨  
鴛言出從公南山西泥軟屨自慙風嫩面不知寒草動暖  
芽晴山餘雨姿水日亦相媚蹙紋生碎暉鳥聲豈爲我我

聽偶自怡出門初憚煩載塗乃忘歸但令我意適豈校出  
處爲路人見我揖屬我有所息我不見其面信口聊應之  
徐語恐忤物欲謝已莫追我率或似傲彼愠獨得辭

題王季安主簿佚老堂

布襪青鞋已懶行不如晏坐聽啼鶯只言此老渾無事種  
竹移花作麼生

送客旣歸晚登清心閣

誰不知儂懶其如送客何葉聲和雨細山色上樓多出處  
俱爲累昇沉儘聽他疎鐘暮相答也解說愁麼

題嚴州新堂

郡圃舊亭面東了無所見太守曹仲本

撤材易地爲堂買地以廣之正對南山經始小築  
覺江山輻湊因得長句

新堂略有次第否忙裏從公一來覩是時新秋收舊雨小  
風吹花掠巾履江山只道不解語云何惠然堂上聚北山  
故挽南山住東溪不遣西溪去向來天藏在何處遭公拈  
出天不拒舊亭不爲作山主背山起樓何以故更煩好手  
鏤東阜放出釣臺寸來許

秋日書懷

老去還多感歸來政倦遊數峰愁外月一葉靜邊秋偶憶  
平生事真供獨笑休燈花吾會得村酒恰當筍

送彭元忠司戶

浯石高仍瘦愚溪紺且寒憑君聊杖屨道我問平安句好  
今逾進書來剩寄看只言官舍小簷下過湘灘

飯罷登山

樹遠通鶯響花晴帶雨痕登山偶回首隔水見前村澹往  
孤無伴清歸笑不言還家更遲著松菊未應存

涉水溪宿淡山

徑仄愁斜步溪深怯正看破船能不度晴色敢辭寒白退  
山雲細青還玉宇寬險難明心濟魂夢未渠安

題龍歸寺壁

題字纔前歲衝寒又此行竹能知雨至窗不隔江清走檝  
還曾了禁人未肯晴息肩更須喜問路可憐生

自聲音巖泛小舟下高溪

晚日黃猶煖寒江白更清遠山衝岸出釣艇背人行舟穩  
何妨小波恬爾許平大魚不相報撥刺得吾驚

臘後

詩苑江海集卷十九  
雲暗虛疑暮江空分外寒如何山雨過便爾岸沙乾奈此  
詩愁得懷哉歲事闌梅殘吾更忍不折一枝看

夜坐

欲雪天還惜不風寒自生燈搖無定影火作始然聲又遣  
庭闈訊懸知骨肉情履端猶幾日有夢未歸程

題照上人迎翠軒

參寥癩可太無還誰踏詩僧最上關欲具江西句中眼猶  
須作禮問雲山

得親老家問

節裏難爲客家中數有書慈親問歸否意緒各何如強酒  
那能盡添愁不更除舊來貧未仕父子豈相疎

立春前一夕二首

春忽明朝是冬將半夜非年華只不住客子未能歸微霰  
疎還密寒簷滴又稀撚鬚真浪苦呵筆更成揮  
臘盡春還好朝暄暮復寒雨晴終日異衣著一冬難生菜  
知無分殘梅不用看本憑書遣睡轉更睡相干

霰

雪花遣霰作前鋒勢頗張皇欲暗空篩瓦巧尋疎處漏跳  
堦誤到暖邊融寒聲帶雨山難白冷氣侵人火失紅方訝  
一冬暄較甚今宵敢歎卧如弓

和司法張仲良醉中論詩

名材山東人

相過寧嫌數未行先畏辭要寬千里別猶費數篇詩意得  
翻難售聲希只自奇此生詩社裏三折或知醫

題唐德明秀才玉立齋

名人鑑

坡云無竹令人俗我云俗人正累竹玉立齋前一萬竿能  
與主人相對寒看竹哦詩筆生力山童怪予遠忘食不但  
不可一日無斯須無此看何如詩成欲寫且復歎恐竹嫌  
詩未清絕丁寧一竿不可除竹亦何曾減風月

謝唐德明惠笋

高人愛笋如愛玉忍口不餐要添竹云何又遣十輩來昏  
花兩眼為渠開販夫束縛向市賣外強中乾美安在錦紋  
猶帶落花泥不論燒煮兩皆奇猪肝累人真可作以笋累  
公端不惡

再病書懷呈仲良

病身誰伴亦誰憐贏得昏昏幾覺眠睡起不知身是病蹉  
牀看盡水沉煙

病中嫌雨又嫌晴自是情懷未苦平兩日雨多端不惡市

聲洗盡只餘聲

功名銷盡向來心詩酒從今也不禁夜雨遣人歸思動不

知湘水幾篙淡

方外詩豪張仲良義風今日更誰雙絕憐病客無半眼粥

飯隨宜到小窗

又和見喜病間

初病楊花猶亂飛卽今梅子已黃稀卧驚節物遽如許起  
得沉繇更解肥雲寺耶溪招布襪斜風細雨欠蓑衣半生  
不結修門夢只夢家山喚早歸

題所寓唐德明書齋

鳧鷖行中脫病身竹林淡處得幽人只言官滿渾無事也

言齊之海身金  
三十一  
被詩愁攬一春

題代度寺

一別重來十五年殘僧半在寺依然黃楊當日絕低小已  
過危簷也可憐

又題寺後竹亭

行盡空房忽畫闌竹光和月入亭寒壁間題字知誰句醉  
把殘燈子細看

中秋前兩日別劉彥純彭仲壯於白馬山下  
忽忽離合夢非夢續續談諧眠不眠莫道對牀容易著試  
思分手幾何年長亭更放金荷淺後夜誰同璧月圓要得  
長隨二三友不知由我定由天

午憇東塘近白干江西地盡於此

日以秋還短塗緣熟故長也知茅店小奈此竹風涼更遠  
終然到而吾有底忙欲行猶小駐咫尺便它鄉

曉泊舟廟山

平水長先曉無風也自濤煙昏山易遠岸濶樹難高公雁  
鳴相報游魚冷總逃輕寒客可忍清眺得辭勞

爲王監薄先生求近詩

林下詩中第一仙西風吹到日輪邊杜陵野客還驚市國  
子先生小著鞭拈出老謀開宇宙本來清尚只雲泉新篇  
未許兒童誦但得真傳敢浪傳

宿徐元達小樓

樓迥眠曾著秋寒夜更加市聲先曉動隱月傍人斜役役  
名和利憧憧馬又車如何泉石耳禁得許誼譚

同君俞季永步至普濟寺晚泛西湖以歸得絕句  
閣日微陰不礙晴杖藜小倦且須行湖山有意畱儂款約  
東疎鐘未要聲  
煙艇橫斜柳港灣雲山出沒柳行間登山得似游湖好却  
是湖心看盡山

同岳大用甫撫幹雪後游西湖早飯顯明寺步至四  
聖觀訪林和靖故歸觀鶴聽琴得二絕句時去除

夕二日

紫陌微乾未放塵青鞋不惜泥痕春風已入寒蒲節殘  
雪猶依古柳根  
道堂高絕俯空明上下躋攀取意行淨閣虛廊人寂寂鶴  
聲斷處忽琴聲

雪後晚晴四山皆青惟東山全白賦最愛東山晴後

雪絕句

只知逐勝忽忘寒小立春風夕照間最愛東山晴後雪軟  
紅光裏湧銀山

永和遇風

未嫌春晚不多花只愛青原綠似瓜剝欲開懷納巖壑可  
堪病眼著風沙待船小立看鷗沒倚杖微吟儘帽斜客裏  
更無詩遣悶不愁兩鬢不成華

彥通叔祖約游雲水寺二首

出門天色陰晴半著雨途間進退難知得招提在何許只  
憑田父指林間

竹溪草長綠冥冥有路如無又斷行風亦恐吾愁路遠殷



勤隔雨送鐘聲

題吉水余端蒙明府縣門飛鳧閣

塵外塵中儘靜喧閣前閣後且山川秋生疎雨微雲處月  
仄青原白鷺邊眼冷庾樓聊復此人如葉令更差賢從公  
欲往其如嬾著句無佳莫浪傳

次昌英主簿叔晴望韻

秋水冬全落寒梅暖向榮煙林明又滅風雁仄還平老豈  
愁能避貧非嬾不營猶須鏹千嶂剩與放雙明

次霜月韻

銀浦寒無浪金星澹不芒初看霜是月併愛月和霜萬里  
除纖翳雙清作一光詩窮只欠許窮我未渠央

同主簿叔暮立

旋旋前山沒駸駸半臂寒鷗歸勢何嬾林近意先安待月  
遲雲麼煩公小立看未知立玉笋何似立江干

夜雨不寐

雨急點不疎瓦乾聲可數滴破江湖夢合眼無復補更長  
酒力短睡甜詩思苦已自不成眠如何更遭許

丙戌上元後和昌英叔李花

春暖何緣雪壓山香來初認李花繁露酣月蕊蒼茫外梅  
與山禁伯仲間剩雨殘風底無賴明朝後日不堪看泥淡  
小忍春遊脚猶遣青童去一攀

和周仲容春日

今晨晴嬾嬾昨夜雨猶聲欲社燕先覺半春鷺未鳴詩非  
一字苦句豈十分清參透江西社無燈眼亦明

見周子充舍人叙懷

三年再謁一番逢  
兩舍相望幾訊通  
便有好懷安得盡  
不知造物底相窮  
公今貧賤庸非福  
我更清愁惡似公  
誤辱相期千載事  
雲泥政自未應同

過神助橋亭

下橋渾將野店看  
只驚脚底水聲寒  
不知竹外長江近  
忽有高桅出寸竿

過大阜渡

隔岸橫州十里青  
黃牛無數放春晴  
船行非與牛相背  
何事黃牛却倒行

至永和

出城卽便見青原  
正在長江出處天  
却到青原望城裏  
樓

臺些子水雲邊

和文明主簿叔見寄之韻二首

古聲彈九寡  
妙學是三多  
千載纔重見  
百年當幾何  
入州非不肯  
出伏卽相過  
安得看雲語  
金盆仄白河  
黃九陳三外  
諸人總解詩  
甘心休作許  
苦語竟何爲  
所向公同我  
何緣樣入時  
從來大小阮  
一笑更誰知

閒居初夏午睡起二絕句

梅子畱酸軟  
齒牙芭蕉分綠與  
窗紗日長睡起無情思  
閒看兒童捉柳花  
松陰一架半弓苔  
偶欲觀書又嬾開  
戲掬清泉洒蕉葉  
兒童誤認雨聲來

攜酒夜餞羅季周

成齋江胡集抄

二十五

夜澹未見掩柴門且放清風入綠尊淡月輕雲相映著淺黃  
黃肥子裏金盆

雨後獨登舍北山頂

山下生愁熱不除山頭小立氣全蘇自緣著脚高低別萬  
壑清風豈是無

晚望

病身似怯暮來風老眼還驚霽後虹落日偏明松表裏好  
山分占水西東

秋夜

挑落寒燈一點青方知斜月半窗明無端一陣秋聲起喚  
作銅餅蟹眼鳴

夜聞蕭伯和與子上弟讀書

少日耽書病得臞何曾燈火稍相疎如今老嬾那能許卧  
聽隣齋夜讀書

中秋雨過月出

欲遣清風掃亂雲先將一雨淨游塵今年大作中秋事月  
色何孤我輩人照却八方還剩在看來千古許清新不眠  
不惜明朝補報答孤光醉是真

寄題劉元明環翠閣

一夜秋聲惱井桐夢回得句寄西風詩成却問題詩處正  
在東山東復東

濠原路中

長亭短亭三復五總是見時行底路尚憶天寒日小黃先  
君前行我後顧如今悲不爲塗窮病雁孤飛失老鴻三年

閉戶松風裏行路又還從此始

小雨

雨來細細復疎疎縱不能多不肯無似妬詩人山入眼千峰故隔一簾珠

連嶺遇雨

肩輿正好看山色雨裏雨窗開不得此外只有書可觀斜點又來濕書冊一月秋晴一月泥南翁此諺似可疑山寒却要日暴背吾衰不用雨催詩

題赤孤亭

數菊能令客眼明三峰端爲此堂橫僕夫不敢催儂太只道長沙尚八程

蜀士甘彥和寓張魏公門館用予見張欽夫詩韻作

二詩見贈和以謝之

說道岷江士未逢眉已申殷勤來相府邂逅得詩人不是胷中別何緣句子新談今還悼昔喜罷反悲辛

夜把新詩讀燈前闔且開一行私獨喜兩脚不虛來天似嫌梅晚冬初遣雪催與君問花信能繞百千回

紀聞

人道眞虛席心知必數公賓王欺釣築君實誤兒童天在昇平外春歸小雪中何曾忘諸老渠自愛松風

丁亥正月新晴晚步二首

嫩水春來別樣光草芽綠甚却成黃東風似與行人便吹盡寒雲放夕陽

急下柴車踏晚晴青鞋步步有沙聲忽逢野沼無人處雨

鴨浮沉最眼明

早行鳴山

淡淡清霜薄薄水  
曉寒端為作新晴  
殷勤喚醒梅花睡  
枝上春禽一兩聲

霧中見靈山依約不真

東來兩眼不曾寒  
因顧千峰掠曉鬟  
天欲惱人消幾許  
只教和霧看靈山

題小沙溪鄭氏店江亭

隔水千山又萬山  
大江仍合小溪灣  
岸巾獨立東風裏  
眼趁烏雞下急灘

和周子中韻

清愁正爾喜逢春  
一笑那知客帝城  
海氣不昏晴色好  
梨花半落嫩寒生  
刑書夜誦端何苦  
詩句春來想不平  
我亦有懷無處說  
對牀只欲為渠傾

出城途中小憇

未到江城已日斜  
山煙白處是人家  
秋風畢竟無多巧  
只把燕支滴蓼花

夜宿王才臣齋中睡覺聞風雪大作

兩外風非細風中雪更飛  
夜聲吹不盡寒客卧相依  
一醉醒醒了平生事事非  
終年纔小款明日又言歸

和羅巨濟山居十詠

世方事速化渠獨請真  
祠意在昇沉外官無冷熱宜  
山如輞川畫地似習家池  
若道閒居嬾如何有十詩  
老子朝慵起春風苦喚行  
晴邊猶著雪寒後未聞鶯  
偶見

千峰翠偏令兩眼明倦來渾欲睡無處避溪聲  
只擁書千卷何須屋萬間新堂傍溪水大字署蓬山恰有  
乘風客來分半日閒自煎蝦蟹眼同淪鷓鴣班  
漫浪真堪老丁寧勿語人屐痕渾似齒巾角小於綸從事  
故不惡賢人也似醇空銜未應卧只恐惱比隣  
園花皆手植梅蕊獨禁寒色與香無價飛和雪作團數枝  
橫翠竹一夜遶朱闌不惜吟邊苦收將句裏看  
花柳春全盛池塘鶯學飛晚晴還小立暮色不能歸草遠  
天無壁苔淡水有衣山居自清絕不必扣禪扉  
酒客來中散詩僧約惠勤共聽茅屋雨添炷博山雲萬事  
休多問三杯且一醺若看醉中語不琢自成文  
乃溪何處好臘尾與春初山色梅邊淨人家竹裏居先生

來得得一笑意舒舒歸路無燈火冰輪掛嶺隅

且愛燈檠短寧論劒鋏長芝蘭照春紫編簡著人香賀監  
聊吳語昌黎豈楚狂豹文元炳蔚未信霧能藏  
眼底無羣子毫端有百川修名如揭月餘事亦凌煙剩欲  
攜藤屐相從聽雨眠恐渠卽霄漢泉石罷潺湲

題蕭端虛和樂堂

玉筍風回峽山雨兩公對牀方軟語少公一生吟樣癯長  
公半醉少公扶白頭兄弟不多有面如橘紅不關酒紫荆  
花開連理枝孝友未要時人知

昌英知縣叔作歲坐上賦瓶裏梅花時坐上九人  
銷冰作水旋成家猶似江頭竹外斜試問坐中還幾客九  
人而已更梅花

詩苑海清集卷之二十一  
三十一  
瞻樣銀瓶玉樣梅北枝折得未全開為憐落寞空山裏喚  
入詩人幾案來  
雪凍霜封稍欲殘殷勤折向坐中看綺疎淡閉珠簾密不  
遣花愁半點寒

戊子正月六日雷雨感歎示壽仁子

今晨忽雷雨天地又發春草木闕紅綠生意密已欣蟄蟲  
且徐動餘寒未全仁先生起裹頭三歎一再顰春風吹萬  
物不吹先生貧靖怨一束書只博兩袴塵自倚文字工意  
取造物真小兒在傍笑笑我浪苦辛去年作客子椒柏羨  
主人在家不差勝更用愁此身先生亦一筦我不如兒真  
為我滿眼酷不問醜與醇杖頭日百錢無借諸隣不然  
衣可典及此花柳新

暮宿半塗

朝日在我東夕日在我西我行日亦行日歸我未歸勢須  
就人宿遠近或難期平生太疎放似黠亦似癡如今何日  
行不以衾枕隨幸逢春小暄倒睡莫解衣借令今夕寒我  
醉亦不知

次日醉歸

日晚頗欲歸主人苦見畱我非不能飲老病怯觥籌人意  
不可違欲去且復休我醉彼自止醉亦何足愁歸路意昏  
昏落日在嶺陬竹裏有人家欲憇聊一投有叟喜我至呼  
我為君侯告以我非是俛笑仍掉頭機心久已盡猶有不  
下鷗田父亦外我我老誰與遊

上元夜里俗粉米為繭絲書吉語置其中以占一歲

之福禍謂之繭卜因戲作長句

去年上元客三衢衝雨看燈強作娛今年上元家裏佳村落無燈惟有雨隔溪叢祠稍簫鼓不知還有遊人否見女炊玉作繭絲中藏吉語默有祈小兒祝身取官早小女只求蠶事好先生平生笑兒癡逢場亦復作兒嬉不願著脚金華殿不願增巢上林苑只哦少陵七字詩但得長年飽喫飯心知繭卜未必然醉中得卜喜欲癡

送蕭仲和往長沙見張欽夫

蕭家伯氏難爲兄蕭家仲氏難爲弟御史子孫今有誰眼中乃見此二士阿兄承蘭壽梅堂阿堂東書參蜀張聖明九鑰天爲守玉匙密付蜀張手子到長沙渠問儂爲言真成一老翁功名妄念雪銷了只愛吟詩惱魚鳥子歸好在

中秋前看子新年勝舊年

送鄒元升歸安福

我昔見子盧溪南煙如玉雪照 嵐子今訪我南溪北凜如驟驥成骨骼袖中文字細作行讀來病眼生寒光尖新句子人時樣故應破陣翰墨場春風春雨春山路喜子能來愁子去故人一別二十年且對青燈夜淡語

和昌英叔雪中春酌

南溪春寒強似冬南溪春水走玉虹雷公戲手行春雪詩人嘲詞便飛屑只嫌春雪趁春雷春容正要渠栽培凍作土花銷作雨多般點綴春庭戶酒杯如海醉卽休醉中看雪忘却愁如何呼酒不痛飲可令詩肩受淒凜少時狂殺走更狂長恐此意墮渺茫醉鄉有地分一席且與先生十



分梨花注大白

送劉生談命

學兵先學策談命先談格君看前輩富貴人豈與寒士枝  
日辰星家者流有劉子進人退人若翻水談何容易驗他  
年却是直言差可喜

和曾克俊惠詩

眼底春光正入年社前鶯子已言旋雨多厭聽鳩夫婦病  
起全疎酒聖賢舊喜作詩今已嬾君能得句我先傳略無  
好語償嘉惠只麼從權只麼權

和胡侍郎見簡

花邊雪裏撚霜髭怪底詩來妙一時聊復小吟開後悟便  
應大用到前疑先生此曲難先和著句如碁且著持每望

南望更有咫尺其人甚遠只嗟咨

和賀升卿雲庵升卿嘗上書此開既歸去歲寄此詩  
今乃和以報之

賀子曾中自有山結庵山底更雲間遺才只道今無許此  
士如何尚着閑未應萬言直杯水向來九虎守天關莫嫌  
久不還詩債詩債從來隔歲還

送昌英叔知縣之官麻陽

政坐詩無半點塵天令着句錦江春遠民蒙惠卽真學漫  
仕緣親非爲身許日相從今恨少先生此別我誰鄰不應  
更作徒勞歎廊廟方尋密縣人

和周子中病中代書之韻兼督胡季文季永游山之  
約

吟外今何病愁邊我索居昔無今樣嬾新欠故人書只說  
遊山去誰今作計疎衡廬負我輩我輩負衡廬

除夕前一日絕句

雪留遠嶺半尖白雲漏斜陽一線黃天肯放晴差易得殷  
勤剩覓幾朝霜

巳丑上元後晚望

雪裏晴偏好寒餘暖尚輕山煙春自起野燒暮方明又是  
元宵過端令病骨驚遣愁聊覓句得句却愁生

送周仲覺訪來又別

酒邊詩裏久塵埃見子令人病眼開無夕不談談不睡看  
薪成火火成灰小雷差勝匆匆別欲去何如莫莫來渠故  
功名我巖壑老身誰子共歸哉

寒食前三日行脚遇雨

信脚那知遠雖勞亦快哉如何寒食近無數野花開碧草  
望中去黑雲頭上來吾行吾自返雨子不須催

和濟翁惠詩

語妙渾忘夜杯行未厭頻平生憎俗子勝處要吾人已結  
詩中社仍居族裏親酒邊不着句何許見天真

雨中送客有感

不知春向雨中回只道春光未苦來老子今晨偶然出李  
花全落鄭花開

題謝昌國金牛煙雨圖

金牛煙雨最相關老子方將老是間不分良齋來貌取更  
於句裏占江山

春日六絕句

遠日隨天太斜陽着樹明犬知何處吠人在半山行  
春醉非關酒郊行不問塗青天何處了白鳥入空無  
霧氣因山見波痕到岸消詩人元自懶物色故相撩  
江水夜韶樂海棠春貴妃殷勤向春道莫遣一花飛  
日落碧簪外人行紅雨中幽人詩酒裏又是一春風  
春色有情意桃花生暮寒只應催客子不遣立江干

夏夜追涼

夜熱依然午熱同開門小立月明中竹淡樹密蟲鳴處時  
有微涼不是風

初秋暮雨

禾穗輕黃尚淺青村春已報隔林聲忽驚暮色翻成曉仰

見雙虹雨外明

秋日晚望

村落豐登裏人家笑語聲溪霞晚紅濕松日暮黃輕只麼  
秋殊淺如何氣許清不應又閑散便去羨功名

秋夜讀書

穉子慵都睡先生喚不應蟲聲窗外月書冊夜淡燈半醉  
聊今古千年幾廢興有懷人未會不樂我何曾

睡起理髮

老態隨年覺新涼與睡謀鵲驚茅屋曉臂冷葛衣秋遠嶺  
元無約開門便見投閑中多事在一日一梳頭

暮歸

山色偏宜暮桐聲小作秋人行溪側畔天在樹稍頭學嬾

真成嬾知休却得休遣愁愁不忒愁盡自無愁

曉望

暑退誰當憶秋生喜此逢荒林失輕霧寒日上危峰忽有吟邊興忘看鏡裏容不須兼鮑謝始得擅詩宗

午睡起

過雨餘秋暑移牀揀午涼小風吹醉面凜氣忽如霜日脚何曾動桐陰有底忙倦來聊作睡睡起更蒼茫

秋晚過泉口

日色全無熱秋涼不似初行人驚翡翠掠水度芙蓉平野一回顧遠山千有餘誰令貪眺望却過廢看書

豐中小憩

歸路元無遠行人倦自遲野香寒蝶聚秋色老楓知得得

逢清蔭休休憩片時江山無意邀我覓新詩

過劉村江

波走痕痕日江呈岸岸秋清流堪數石淺涉不須舟野菊知何喜迎風舞未休歸途愁欲暮未暮我何愁

題劉朝英進齋

燈火三更雨詩書一古琴惟愁脚力軟未必聖門淺莫笑雲端樹初如澗底針不應將一第用破半生心

題丘成之司理明遠閣

決曹據按塵似海高閣退食心如水夜將官本校家本萬山圍裏短檠燈能文未得傲能吏好官不應博丁字何時著脚最高層目送歸鴻揮綠綺

歲晚出城

溫飽能消底奔忙自作癡平生脚已繭今日髻將絲山刻  
霜餘骨梅橫水底枝只嫌長落莫不道許幽奇

至鷓鴣洞

岸凍樹逾瘦日高林始明瑤草密如積玉泉中暗鳴初至  
心爲動欲歸脚還停江湖千萬峰穿儂兩鞋青如何鷓鴣  
嶺咫尺來未曾

寄張欽夫二首

佳郡纔佳政畱中卽好音還將著書手拈出正君心嶽麓  
風霜飽脩門雨露淡登庸何恨晚廊廟要山林  
工瑟曾緣利鳴琴豈負予髮於貧裏白詩亦病來疎知己  
俱霄漢孤蹤且簿書三年知免矣一飽會歸歟

和謝昌國送管相士韻

半世緣癡自作勞萬人爭處我方逃憐渠識盡公卿得一  
馬歸來骨轉高

庚戌正月送羅季同遊學未川

眼邊相識蠶樣密如子歲寒萬纔一我往西山子義山老  
衰一別堪三年外舅陰功不知數諸孫太半廊廟具學文  
先要學忍饑明年看子刺天飛

過秀溪長句

去年來此上巳日今年重來未寒食臨溪照影老自羞慙  
愧春光尚相識秀溪何許好春容最是溪深樹密中海棠  
開盡却成白桃花欲落翻深紅

題薦福寺

千山底裏着樓臺半夜松風萬竅哀曉起巡簷看題壁雨

聲一片隔林來

晚過黃州舖二絕

數峰殘日紫將銷一片新秧綠未交道是今年春水小漲  
痕也到岸花梢

僕夫已倦路猶賒脚底殘勞眼底佳綠錦堆中半團雪千  
楓擁出一桐花

過白沙渡得長句呈澹庵先生

收紅拾紫消幾許也費一春強半雨不辭長江萬波阻來  
聽先生夜淡語尚憶向來侍樽俎微雪斜飛小梅吐先生  
半酣染霜兔金章玉句空萬古今年寒食還相聚明年寒  
食知何處只道先生押班太不道門生折腰苦

長句寄周舍人子太

省齋先生太高寒肯將好語博好官又告君王覓閒散要  
讀短檠三萬卷州家新畫瑞霧圖渠莫錯認倚關渠青原  
兩公復雙起山川出雲不在此自憐無地寄病身四海知  
已非無人老窮只是詩困我春色撩人又成句

淺夏獨行奉新縣圃

我來官下未多時梅已黃淡李綠肥只怪南風吹紫雪不  
知屋角棟花飛

登清心閣

苦遭好月喚登樓脚力雖慵不自由上得金梯一回首水  
輪已過樹梢頭

立秋後一日雨天欲暮小立問月亭

雨後林中別樣涼意行幽徑不知長風蟬幸自無星事強

爲閒人報夕陽

七月十二日夜登清心閣

小樓秋夜月明底仰不見天惟見水岸巾獨立四無人白  
月青天伴楊子誰知橫玉作秋聲一聲吹盡九陌塵月輪  
半仄吾未睡樓角風生涼殺人

中秋後一夕登清心閣二首

昨夜雲爲崇今宵月始妍如何一日隔更減半分圓影裏  
偏宜竹光中不剩天客來休遣去我醉正無眠  
秋夜真成畫西山却在東吹高半輪月正賴一襟風清景  
今年過何人此興同青天忽成紙似欲借詩翁

豫章江臯二絕句

幸自輕陰好片秋如何餘熱未全休大江欲近風先冷平

野無邊草亦愁

只今秋稼滿江郊猶記春船掠屋茆可是北風寒入骨荻  
花爭作向南梢

歸自豫章復過西山

一眼茗花十里明忽疑九月雪中行我行莫笑無騶從自  
有西山管送迎

詔追供職學省曉發鳴山驛

數店疎仍密千峰整復斜冰痕猶帶浪霜草自成花錄錄  
堪朝列星星已鬢華帝城萬事好得似早還家

登烏石寺

回首身忽在樹杪一覽千山萬山小怪崖不落欹欲摧令  
人仰看怯眼開小亭解事知儂倦翼然飛出青山半上頭

最上却鏡平百畝金碧千衲僧高峰高寺更高閣進步早  
頭若爲脚茲遊勝絕庸非天山下虛行二十年

夜宿楊溪曉起見雪

茆簷無聲風不起誤喜夜衰雨應止開門送眼忽心驚失  
却前山萬堆翠江南只說浙西山更令著雪與人看諸峰  
盡處一峰出凜然玉立最高寒溪聲細伴吟聲苦客心冷  
趁波心忒掉頭得句恐人嗔且喚征夫問前路

辛卯五月送丘宗卿太博出守秀州二首

馮翊端誰可丘遲肯忝應繭絲臣敢後飢饉帝云何身達  
當難免能稱未要多但無田里歎不必袴襦歌  
老矣渠憐我超然我愛渠論詩春雨夜解手藕花初夢只  
江湖太情知伎倆疎未應五馬貴不寄一行書

題呂子明國論退菴

筆硯工爲崇湖山苦約盟坐忘非聖處行樂且吾生一笑  
誰當會孤斟句恰成何時却乘興雪外叩柴荆

送蜀士張之源二子維燾中童子科西歸

岷山玉樣清岷水眼樣明風流文彩故應爾又見張家雙  
驥子小兒八歲骨未成誦書新作鸞鶴聲大兒十二氣已  
老覓句談經人絕倒豫章七年人得知駃騠三日世便奇  
天生異材能幾許更飽風霜也未遲

送黃仲秉少卿知瀘州二首

灑灑方如象醪醱底似飛相將刺天公收拾大名歸西掖  
桐陰靜瀘南荔子肥來應經世具便欲閉山扉  
補外公何幸求歸我尚畱還爲萬里別又費半生愁安得



歛黃帽相從却白頭醉中有話在欲說忘來休

寄馬會叔

影轉郎官宿春隨刺史天相從忽相別同舍况同年我愛  
吳兒說兄如邵父然賜金真浪費喚取從甘泉

送傅安道郎中將漕七閩二首

一代風騷將當年忠義家出關稱使者踏雪度梅花夢破  
南宮被春生北斗槎懸知入奏日不待貢新茶  
把酒春如許論詩夜未央相逢便金石何必試冰霜離合  
知難免愁思自不忘它年一節屋公肯訪荒涼

答章漢直

詩人今代謝宣城舉子新年章子平雨剽風殘忽春暮花  
催草喚又詩成五湖煙水三冬卧萬里雲霄一日程老裏

睡多吟裏少舊家句熟近來生

西湖晚歸

際晚遊人也合歸畫船猶自弄斜暉西湖兩岸千株柳絮  
不因風暖自飛

癸巳省宿詠南宮小桃

孤坐南宮悄桃花故故紅晴垂半臉日寒慘數鬚風昔歲  
山村裏春炎痛飲中不煩渠伴宿今我已衰翁

送林謙之司業出爲桂路提刑

兩眼起霄坐搔首偶不欣孤念元無感懷我同社人昨日  
林先生抱經出成均初聞爲渠喜忽悟誰我親緬然記宿  
昔夜欵水際門微月耿耿寂幽蛩慨涼新論詩煮豆粥粥  
熟天已晨先生補天手萬象焉能春若非千載仰却要今

世珍望門舊傳業不在先生身雪前何有松燬中諒非磻  
論息尺有咫法去曾逡巡誰言我無耳老矣未有聞先生  
又舍我離別尚足云桂山玉筍立桂水羅帶紋得句能寄  
似不須持嶺雲

送丁子章將漕湖南三首

嶽麓猿聲裏湖流雁影邊自天持一節到日是新年身退  
名逾重今稀古則然黃花非不好只是插離筵  
湖外遊曾漫荒餘好在磨山應依樣瘦民豈似田多不是  
無風物其如費拊摩人言補外樂且道定如何  
半世行天下同心寡友生故人今又去此意向誰傾白髮  
三更語青燈一點明看渠還玉署老我正歸耕

送葉叔羽寺丞持節淮東二首

呼酒東西玉探梅南北枝相逢長不欬此別有餘思古道  
寒如水吾儕鬢已絲一生商略此更待贈臨岐  
煮海誰爲祟沿淮困不勝民思賢使者帝遣大農丞玉節  
寒侵斗牙檣凍作冰來歸聞早著紫禁要渠登

送陳行之寺丞出守南劍

甲午

甫爾丞農扈翩然收劍津諸公誰不相有子幾何人氣節  
霜餘凜辭章玉樣新飛騰可輕料渠亦正青春  
我召公先到公歸我亦行三年如夢爾一笑可憐生野店  
綠山去春風並轡輕先愁饒水上話別若爲情

別蕭挺之泉州二首

郎署春同宿州麾曉卜隣出山成底事藉手得斯人名實  
今無對雲霄平致身再逢應互笑誰髮不如銀

八葉今成九一枝誰敢雙野人應補外賢者亦爲邦夾岸  
梅臨水孤帆雪湧江別愁纔半擲不遣我心降

甲午出知漳州晚發船龍山暮宿桐廬二首

一席清風萬壑雲送將華髮得歸身海潮也怯桐江淨不  
遣濤頭過富春

道塗奔走不曾安却羨山家住得閑記取還山安住日更  
忘奔走道塗間

攜家小歇嚴州建德縣簿廳曉起

不堪久客只思歸曉起巡簷強捩髭偶聽梅梢啼一鳥舉  
頭立看獨多時

積雨小霽暮立捲書亭前二首

報晴底用暮寒爲薄薄春衫橫見欺似有如無風細甚柳

絲無賴恰先知

淡紫斜陽嫩碧天一春今夕始開顏看山偶忘歸來却月  
到西廊第二間

虞丞相挽詞三首

負荷偏宜重經綸別有源雪山真將相赤壁再乾坤奄忽  
八千古淒涼月一痕世無生仲達好手未須論

保爽方爲左希文自請西不勞三尺劔已辦一丸泥已矣  
歸黃壤傷哉夢白雞清風誰作誦何石不天齊

一老堂堂日諸賢得得來但令元氣壯不慮塞塵開名大  
天難着人亡首忍回東風好西去吹淚到泉臺

南溪山居秋日睡起

客至從嗔不着冠起來信手攬書看小蜂得計欺儂睡偷

飲晴窗硯滴乾

秋書二首

一年強半走塵埃觸熱還山亦快哉幸自西風歸較早却  
教秋暑伴將來  
追涼能到竹溪無隔水斜陽未肯晡剩暑不蒙蕉扇扇細  
雲聊倩月梳梳

感秋

舊不愁秋只愛秋風中吹笛月中樓如今秋色渾如舊欲  
不悲秋不自由

乙未和楊謹仲教授春典

歸歟還復換年芳不分寒梅惱石腸黃帽政堪供短棹白  
頭可更獻長楊忽逢社裏催搜句安得花邊對舉觴天上

含香有知己彈冠端復爲王陽

寄廣東提刑林謙之司業

玉節星槎下九天祝融海若讓雲煙故人一別還三歲新  
句如今更幾篇憶昨待班南內否論詩看雪未央前夢中  
若箇韶州路庾嶺梅花正可憐

送客夜歸呈蕭岳英縣丞

並舍頻過亦幾曾却因送客得同行風帆逆水四十里雪  
屋吹燈三二更老去病身禁底苦向來危宦若爲情天台  
香火儂當覓且伴先生學生

二月望日

海棠着意喚詩愁桃李纔開又落休小雨輕風春一半去  
年今日在嚴州

初夏三絕句

麥黃秧碧百家衣已熟猶寒四月時  
雨後覓春無一寸  
薔薇花發醜燕脂  
手種琅玕劣十年今年新筍不勝繁  
不知明早添多少日  
暮閒來數一番  
竹間露重午方乾  
松裏雲深夏亦寒  
只道一溪無十里爲  
誰百屈更千盤

行圃

薤本新痕割復齊  
豆苗初葉合仍離  
鷺聲政好還飛去不  
爲詩人更許時

看筍六言

筍如滕薛爭長  
竹似夷齊獨清  
只愛錦綉滿地  
暗林忽雨

三莖

農家六言

插秧已蓋田面  
疎苗猶逗水光  
白鷗飛處極浦  
黃犢歸時夕陽

山居

鬢秃猶云少書多  
却道窮柴門疎竹處  
茅屋萬山中幽夢  
時能憶閒題底要工  
不知蟬報夏爲復自吟風

有歎

老來無面見毛錐  
猶把閒愁付小詩  
君道愁多頭易白  
鷺從小鬢成絲

梅熟小雨

風從獨樹忽然來  
雨去前山遠却迴  
畱許枝間慰愁眼  
兒

童抵死打黃梅

書王右丞詩後

晚因子厚識淵明早學蘇州得右丞忽夢少陵談句法勸  
參庾信謁陰鏗

待次臨漳諸公薦之易地毗陵自愧無濟劇才上章

丐祠

亦豈真辭祿誰令自不才更須三釜戀未放兩眉開道我  
今貧却何朝不飲來商量若為可杜宇一聲催

梔子花

樹恰人來短花將雪樣看孤姿妍外淨幽馥暑中寒有朶  
蓂瓶子無風忽鼻端如何山谷老只為賦山礬

秋興

宿有青霞願惟應白鷺知風煙聊晚望山水入秋宜老裏  
還多病貧中却賴詩浪愁餘熱在會自有涼時

中秋與諸子果飲

幾年今夕一番逢千古何人此興同酒入銀河波底月笛  
吹玉桂樹梢風莫言秋色無多巧淨洗清光也費工老子  
病來渾不飲如何頻報綠尊空

釣雪舟倦睡

予作一小齋狀似舟名以釣雪舟予讀書其間倦睡忽  
一風入戶撩瓶底梅花極香驚覺得絕句

小閣明窗半掩門看書作睡昏昏無端却被梅花惱特  
地吹香破夢魂

雪夜望月

人靜蚤喧天欲霜不眠獨自步風廊閒看月走仍雲走知  
是雲忙復月忙

瓶中梅花長句

幽人蚤作月滿堦月隨幽人登船齋推門欲開猶未開猛  
香排門撲我懷徑從鼻孔上濯頂拂拂吹盡髮底埃恍然  
墮我衆香國欲問何祥無處覓冥搜一室一物無瓶裏一  
枝梅的皜平生爲梅到斷腸何曾知渠有許香夜來偶忘  
挂南窗貯此幽馥萬斛強却憶去年西湖上錦屏下瞰千  
青嶂谷溪梅盛一萬株千頃雪波浮欲漲是時雨後初開  
前日光烘花香作煙政如新火炷博山烝出沉水和龍涎  
醉登絕頂撼疎影掇葉餐花照冰井蜀人老張同舍郎喚  
作謫仙儂笑領如今茅屋卧山村更無載酒來叩門一尊

孤斟懶論文猶有梅花是故人

去年令月予既得鹿臨漳朝士餞予高會于西湖上

劉寺滿谷皆梅花一望無際絕頂有亭勝曰錦屏予獨倚

一株極摘花嚼之同舍張監簿蜀人名號字若玉

釣雪舟中霜夜望月

溪邊小立苦待月月知人意偏遲出歸來閉戶悶不看忽  
然飛上千峰端却登釣雪聊一望冰輪正挂松柯上詩人  
愛月愛中秋有人問儂儂掉頭一年月色只曠裏雪汁揩  
磨霜水洗八荒萬里一青天碧潭浮出白玉盤更約梅花  
作渠伴中秋不是欠此段

梅花下小飲

今年春在臘前回怪底空山早見梅數點有情吹面過一  
花無賴背人開爲攜竹葉洗瓊樹捉折冰葩浸玉盃近節

雨晴誰料得明朝無興也重來

幽居三詠

釣雪舟

青鞋黃帽綠簑衣釣雪舟中雪政飛歸自嚴州無一物扁舟載得釣臺歸

雲卧菴

十年兩袖軟紅塵歸濯滄浪且幅巾不是白雲畱我住我畱雲住卧間身

誠齋

浯溪見了紫巖回獨笑春風儘放懷謾向世人談昨夢便來喚我作誠齋

郡中送春盤

餅如繭紙不可風菜如縹茸劣可縫韭芽捲黃苣舒紫蘆葍削冰寒脫齒卧沙壓玉割紅香部署五珍訪詩腸野人未見新曆日忽得春盤還太息新年六十奈老何霜鬢看鏡幾許多麴生嗔人不解事且爲春盤作春醉

臘裏立春蜂蝶輩出

嫩日催青出凍菱小風吹白落疎梅殘冬未放春交割早有黃蜂紫蝶來

丙申歲朝

椒盤又頌一年初多拜猶欣未要扶山色長供青籊笠春光不爲白髭鬚仙家風土閒中是歲後鶯花報早無人事馳驅不須歎倦來添得睡工夫

贈劉景明來訪



研席相從昔少年白頭誰信兩蒼然來從八桂三湘外憶折雙松十載前告我明朝還又別對牀終夕不成眠交游存沒休休說且爲梅花醕玉船

和彭仲莊對牡丹上酒

病身無伴卧空山石友相從慰眼寒呼酒燃花談舊事牡丹匹似夢中看

暮春小雨

宿酒微醒尚小醺似癡如病不多欣深深池沼輕輕雨獨倚闌干看水紋

夏日絕句

不但春妍夏亦佳隨緣花草是生涯鹿蔥解插纖長柄金鳳仍開最小花

小池

泉眼無聲惜細流樹陰照水愛晴柔小荷纔露尖尖角早有蜻蜓立上頭

題劉伯山蕃殖圖二首

畫水黍桂菽麥

老子平生只荷鋤誤攜破硯到清都歸來荒盡西疇却媿見劉家蕃殖圖

黃雲翠莢雜玄珠上熟今年不負渠說似田家早收拾一番風雨一番疎

極暑登釣雪

暑中北閣望南窗將謂南窗分外涼到得南窗還更熱笑渠和蕊落幽香

聽雨

歸舟昔歲宿嚴陵雨打疎篷聽到明昨夜茅簷疎雨作夢  
中喚作打篷聲

中秋前二夕釣雪舟中靜坐

月到南窗小半扉無生始覺室生輝人間何處水壺是身  
在水壺却道非

去歲中秋政病餘愛它月色強支吾今年老矣差無病後  
夜中秋有月無

晚興

雙井茶芽醒骨甜蓬萊香燼倦人添蜘蛛政苦空庭濶風  
爲將絲度別簷

約劉彥純會建安寺

解后何時可平章後月涼前朝來一夕古寺作重陽白酒

多多載黃花急急香遣詩愁已遣何況更連牀

送客山行

嶺雲烏作小涼天山店重來憶去年獨樹丹楓誰不見何  
須更立萬松前

秋月

夜氣涼於水高齋可當樓方除却月此外更無秋寒入  
蘭心勁光隨菊脚流惟愁清不極清極却成愁

雨夜

歲晚能無感詩成只獨哦螢光寒欲淡秋雨暮偏多伴老  
貧無恙畱愁酒貴麼吟蟲將落葉爲我相還歌

秋雨歎十解

雨入秋宵滴到明不知有意復無情若言不攪愁人夢爲

許千千萬萬聲

霖霖滴滴未休休不解教儂不白頭却把窮愁比秋雨猶應秋雨少於愁

濕侵團扇不能輕冷逼孤燈分外明蕉葉半黃荷葉碧兩家秋雨一家聲

厭聽點滴井邊桐起看空濛一望中橫着東山三十里真珠簾外翠屏風

籬下黃花最恨它金鈿香少淚痕多仙人解補銀河漏天上無泥奈許何

老子愁來只苦吟一吟一歎爲秋霖居人只道秋霖苦不道行人泥更深

晝落無聲夜有聲只堪醉聽不堪醒簷牙半點能多少滴入苔堦一寸青

曉起窮忙作麼生雨中安否問秋英枯荷倒盡饒渠着滴損蘭花太薄情

似霧如塵有却無須臾密密復疎疎忽忘九月清霜曉喚作濛濛二月初

不是簷聲不放眼只將愁息壓衰年道他滴瀝渾無賴不到侯門舞袖邊

寄題王國華環秀樓

平地看山山絕低上樓山色逐層奇不知山與樓爭長爲復樓隨山脚移

晚步

半疋輕煙束翠山一梳寒月印青天坐憎野燒無端甚直

上高林杳靄邊

燈下讀山谷詩

天下無雙雙井黃遺編猶作舊時香百年人物今安在千載功名紙半張使我詩篇如許好關人身事亦何嘗地爐火煖燈花喜且只移家住醉鄉

探梅

山間幽步不勝奇政是淡寒淺暮時一樹梅花開一朵惱人偏在最高枝

劉村渡二首

隔岸輕舟不可呼小橋獨木有如無落松滿地金釵瘦遠樹黏天菌子孤曠野風從脚底生遠峰頂與額般平何人知道誠齋叟獨

著駝裘破雨行

曾達臣挽詞

議論千古曾懷一一奇非關時棄我不肯我干時老鶴雲間意長松雪外姿平生獨知命冷眼看人癡

晚春卽事二絕

尺許新條長杏栽丈餘斑笋出墻隈浪愁草草醪醑過不道婷婷芍藥來

樹頭吹得葉冥冥三日顛風不小停只是向來枯樹子知他那得許多青

入城

杜鵑有底怨春啼燕子無端貼水飛不種自紅仍自白野醪醑壓野薔薇

故少師張魏公挽詞

出畫民猶望回軍敵尚疑時非不吾以天未勝人爲自別  
知何恙從誰話許悲一生長得忌千載却空息

題釣臺

斷崖初未有人蹤只合先生著此中漢室已無一坏土釣  
臺今是幾春風

同學書生已冕旒未將換與一羊裘子雲到老不曉事不  
信人間有許由

荆溪集鈔

丁酉四月一日之官毘陵舟行阻風宿桐陂江口

五八

蟲聲兩岸不堪聞把燭銷愁且一尊誰宿此船愁似我船  
篷猶帶燭煙痕

千里江山一日程出山似被北風噴東窗水影西窗月併  
照船中不睡人

餘干泝流至安仁

半篙新漲滿帆風兩岸千山一抹中慙愧擢郎能袖手若  
非袖手更無功

宿小沙溪

樹補山煙補缺雲風搖花雨作香塵綠楊儘道無情著何  
苦垂條拂路人

諸峰知我厭泥行捲盡癡雲放嬾晴不分竹梢含宿雨  
將殘點滴寒聲

玉山道中

村北村南水響齊巷頭巷尾樹陰低青山自負無塵色  
日殷勤照碧溪

過招賢渡

余昔歲歸舟經此水涸舟膠旅情甚惡

歸舟曾被此灘留說著招賢夢亦愁五月雪飛人不  
來灘下看濤頭

一江故作兩江分立殺呼船隔岸人柳上青蟲寧  
絲到地却回身

倦游客子自無聊不是江山曷不饒危岸崩沙

渠橫石自成橋

岸上行人莫歎勞長年三老正呼號也知難惡船

踏梳竿卧看篙

舟過德清

人家兩岸柳陰邊出得門來便入船不是全無最佳  
宿何戶不清妍

舟泊吳江

江湖便是老生涯佳處何妨且泊家自汲松江橋下  
虹亭上試新茶

東是吳江西太湖長橋橫截萬尋餘江妃舞倦凌波  
帶圍腰攬鏡初

暮立荷橋

欲問紅葉幾蒼苔  
開忽驚浴罷夕陽催  
也知今夕來差晚  
勝窮忙不到來

秋熱追涼池上

圃迥人全寂  
池清慮自消  
萍根微著水  
荷葉欲穿橋  
今夢知何故  
秋陽爾許驕  
追涼猶有處  
此老未無聊

蠟梅

天向梅梢別出奇  
國香未許世人知  
殷勤滴蠟緘封却  
偷被霜風折一枝

登淨遠亭

池水愛日未全開  
旋旋波痕百皺來  
野鴨被人驚得慣  
作羣飛去却飛回

戊戌正月二日雪作

雪與新春作伴回  
擣霜爲片電爲埃  
只愁雪虐梅無語  
道梅花領雪來

夢回紙帳怪生寒  
童子傳呼雪作團  
已被曉風融作水  
巾不裹起來看

戲贈子仁姪

小阮新來覓句忙  
自攜破硯汲寒江  
天公念子抄詩苦  
與朝陽小半窗

雪夜尋梅

去年看梅南溪北  
月作主人梅作客  
今年看梅荆溪西  
玉爲風骨雪爲衣  
臘前欲雪竟未雪  
梅花不慣人間熱  
橫枝憔悴澆晴埃  
端令羞面不肯開  
縞裙夜訴玉皇殿  
乞得天花來作伴  
三更滕六駕海神  
先遣東風吹玉塵  
梅仙曉沐

銀浦水冰膚別放瑤林春詩人莫作雪前看雪後精神添  
一半

雪霽出城

梅於雪後較多花草亦晴初忽幾芽河凍落痕餘一寸殘  
冰閣在桺根沙

正月十九日五更詣天慶觀謝雪聞都下尺雪旬日  
而毗陵三四微雪而已

元宵風物又闌殘閉閣何曾出一看尚覺燭光欺病眼旋  
添衣著試春寒中都尺雪逾旬許此地飛花逐片乾不待  
珠宮香火了海風吹上紫金盤

寒夜不寐

雪入迎春鬢茶醒學古胸夢回霜滿屋吟到月斜鐘

小飲俎豆頗備江西淮浙之品戲題

滿盤山海眩芳珍未借前籌已噉津鱸醬子魚總佳客玉  
狸黃雀是鄉人

味含霜氣洞庭柑鮓帶桃花楚水臈春暖著人君會否不  
教淮白過江南

雨霽

雨爲梅花遣盡塵桺勾日影自傳神不須苦問春多少暖  
幕晴簾總是春

春暖郡圃散策

已覺朝來退袂衣日光風力軟如癡倩誰畱許春寒著更  
放梅花住少時

萱草行間過履絢杏花影裏散文書秋風遣我疎團扇



被春風遣喚渠

春禽處處講新聲細草欣欣賀嫩晴曲折遍穿花底路  
今一步作虛行

燒香七言

琢瓷作鼎碧於水削銀為葉輕如紙不文不武火力勻  
閣下簾風不起詩人自炷古龍涎但令有香不見煙素  
忽開抹利拆低處龍麝和沉檀平生飽識山林味不奈  
香殊嫉媚呼兒急取烹木犀却作書生真富貴

書齋夜坐

棐几吹燈丈室虛隔窗雨點響塔堦胡牀枕手昏昏  
聽兒童讀漢書

酒力欺人正作眠夢中得句正醒然寒生更點當

在梅花蕪蕪邊

二月十四日梅花

雨打知無那春暄絕不禁小風千點雪落日一鬢金  
春猶瘦花寒暮更明平生豈無句此外不須清

水仙花

額間拂殺御袍黃衣土偷將月姊香待倩春風作媒却  
湖嫁與水仙王  
開處誰為伴蕭然不可觀雪宮孤弄影水殿四無人

夜坐

背壁青燈觀讀書窺窗素月喚看渠向來諸老端何似未  
必千年便不如春後春前雙雪鬢江南江北一茅廬只愁  
夜飲無供給小雨新肥半圃蔬

訪齊非漫身金  
五  
新柳

柳條百尺拂銀塘且莫淡青只淺黃未必柳條能蘸水水中柳影引他長

禱雨報恩因到翟園

霧氣初迎日脚開春光偏傍柳邊回寒暄消息何人會十指今朝出袖來

垂絲海棠

無波可照底須窺與柳爭嬌也學垂破曉驟晴天有意生紅新曬一絢絲

送羅永年西歸

梅苔香邊踏雪來杏花雨裏帶春回明朝解纜還千里今日看花更一杯誰遣文章太驚俗何緣場屋不遺才南溪

鷗鷺如相問爲報春吟費麝煤

讀唐人及半山詩

不分唐人與半山無端橫亂對詩壇半山便遣能參透猶有唐人是一關

春興

著盡工夫是化工不關春雨更春風已拚膩粉塗雙蝶更費雌黃滴一蜂

春曉

風光明淑奈渠何非暖非寒直是和春到千花俱有分海棠獨自得春多

米囊花

鳥語蜂喧蝶亦忙爭傳天詔詔花王東皇羽衛無供給探

借春風十日糧

曉寒

黯黯輕寒淡淡陰遊人便覺減行春春風也解嫌蕭索  
送鞦韆不要人  
春光喚入百花叢寒力平欺兩鬢蓬吹亂衆紅還復整  
棠却不怕春風

上巳

上巳春陰政未開寒窗愁坐冷如灰凍蠅觸紙飛還  
面翻身起不來  
雨冷風酸數日強老懷不可更禁當春寒幸自將  
取重來是海棠

正是春寒最盛時桃花枝映李花枝鞦韆日算人

有春風弄彩旂

寒食雨作

雙燕衝簾報禁煙喚驚晝夢聳詩肩晚寒政與花爲地  
雨能令水作天桃李海棠聊病眼清明寒食又來年老來  
不辦瑣新句報答風光且一篇

寒食相將諸子遊翟園

鹿蕙舊種菊新栽幽徑淡行忘却回忽有野香尋不得蘭  
於石背一花開  
柳條老去尚青鮮下有清渠遶野田波面落花相趁走避  
風爭泊岸傍邊  
兒曹健走儘從渠老脚微酸半要扶未委前頭花好否且  
令蜂蝶作前驅

三月風光一歲無杏花欲過李花初柳絲自爲春風舞竹  
尾如何也學渠  
荆溪老守底風流哦就千詩一笑休天欲做春無去處只  
堆濃綠柳梢頭

三月十日

纔看桃李錦成圍忽便園林綠作堆遠草將人雙眼去飛  
花引蝶過墻來簿書節裏無多著懷抱朝來得好開已是  
七分春去了何須鳥語苦相催

清明雨寒

整冠忽見鏡中霜挽樹渾無帶上香已貯春愁過萬斛更  
令細細著升量  
桃李一空春已歸不須更待絮飛時閉門獨琢春寒句只

有輕風細雨知

莫嫌細雨苦飄蕭政要寒聲伴寂寥杏葉猶疎不成響且  
將紙瓦當芭蕉  
風欲衆柳自成妍雨泣殘花不忍看急喚麴生當杏子及  
渠小苦未生酸

題山莊草蟲扇

風生蚱蜢怒鬚頭紈扇圍圓壁月流三蝶商量探花去不  
知若个是莊周

清明果飲二首

南溪清酒碧於江北地鵝梨白似霜顏却老人山作玉更  
加食邑醉爲鄉春光如許天何負雨點殊疎燕不妨絕愛  
杞萌如紫蕨爲烹茗椀洗詩腸

淡著爐香淺著杯杯行儘緩莫教催可憐花樹渾無賴下  
却簾鈎也入來雪藕新將削冰水蔗霜只好點青梅明年  
寒食還家去却憶荆溪花正開

次李侔子壽郡集詩韻

蒼碧新煎第二泉博山淡炷古龍涎草玄顧我非楊子能  
賦如公是仲宣詩社自甘編下戶醉鄉何苦不開邊窮州  
地主慙司業不解時時與酒錢

櫻桃

櫻桃一雨半彫零更與黃鸝翠羽爭計會小風雷紫脆  
勤落日弄紅明摘來珠顆光如濕走下金盤不待傾天  
薦新舊分賜兒童猶解憶寅清子舊在奉常蓋夏太廟  
櫻桃禮官各分賜四盤

多稼亭前兩檻芍藥紅白對開二百朵

紅紅白白定誰先嫋嫋娉娉各自妍最是倚欄嬌分外  
緣經雨意醒然晚春早夏渾無伴暖豔晴香正可憐好句  
花王作花相不應只遣侍甘泉論花者牡丹王芍藥近世

六月六日小集

新蟬聲澁亦無多強與嬌鶯和好歌盡日舞風渾不倦無  
人奈得桺條何

登多稼亭曉望

風不能銷曉霧痕天猶未放宿雲根城腰摺處纔三徑山  
背前頭別一村

午熱登多稼亭

矮屋炎天不可居高亭爽氣亦元無小風不被蟬餐却合

有些涼到老夫  
御風不必問雌雄  
只有炎風最不中  
却是竹君殊解事  
炎風篩過作清風

臥治齋晚坐

閉戶坐不得開窗  
竚微涼樹林蔭  
白日几研生筆光  
信手取詩卷細哦  
三數章初披頗欣愜  
再覽忽感傷廢卷不能  
讀起行遶胡牀  
古人恨如山  
吾心澄於江  
本不與彼謀  
云何斷我腸  
感罷翻自笑  
一蟬催夕陽

憇懷古堂

新葺懷古堂  
舊臨郭璞池  
去歲夏徂秋  
無日不此嬉  
芙蓉無暑性  
芙蓉有涼姿  
今年池水乾  
老子來遂稀  
豈惟來不  
留亦復去  
靡息朝來偶  
一到又覺景物奇  
水含露後光荷  
於風處欹  
便有白鷗下  
驚起翠羽飛  
方池灑窗東  
長池橫  
簷西紅綠向  
背看觴詠  
朝夕宜此堂  
初無情此池  
諒何知  
如何涉斯世  
乖逢亦有時

望雨

雲興畫山頂  
雨放太湖脚  
初愁望中遠  
忽在頭上落  
白羽障烏巾  
衣袖已沾渥  
歸來看簷溜  
如瀉萬仞壑  
霆裂大瑤甕  
電縈濕銀索  
須臾水平堦  
花塢濕半角  
定知秧疇滿  
想見田父樂  
向來春夏交  
旱氣亦太虐  
山川已徧走  
雲物竟索莫  
雙髻愁得白  
兩膝拜將剝  
早知今有雨  
老懷枉作惡  
聞一二故人  
相繼而逝  
感歎書懷

故人昔同朝  
與遊每甚歡  
豈緣勢利合  
相得文字間  
有頃各補外  
不見今六年  
我來荆溪上  
敲榜索租錢  
故人復雙

入飛上青雲端我雖世味澹羨心能憇然忽傳故人去得  
書墨未乾又傳故人亡驚悼摧肺肝鼎貴良獨佳安貧未  
遽賢向以我易彼安知不作難今以彼易我試問誰當慳  
如何捐此軀必要博好官顧謂妻與子官滿當歸田我賤  
汝勿羞我貧汝勿歎從汝丐我身百年庶團樂妻子笑答  
我脩短未易言富貴必速殞郭令當天殘貧賤果永算顏  
子壽必延我復答渠道薄命我自憐我福肯如郭我德敢  
望顏造物本嗇與我乃多取旃借令彼不怒退者我獨安  
汝言自有理我意不可還

晚步追涼

老眼偏明遠岫孤夕陽故遣樹陰疎蟬鳴葉底無尋處  
意闌行偶見渠

風不須多只是涼穿花度柳到人傍細吹病耳聽颼颼  
弄輕衫拂拂長

曉坐荷橋

四葉青黃照綠池千重翠蓋護紅衣蜻蜓空裏元無見只  
見波間仰面飛

碧玉山邊白鳥鳴綠楊風裏翠荷聲草花踏碎教人惜爲  
勒芒鞋款款行

簾影窺池到藕根水光爲我弄朝暾魚見解作晴天雨波  
面吹成落點痕

池亭

小沼纔堦下孤亭恰水邊指磨一玉鏡上下兩青天可惜  
無多水難堪著釣船今年非不暑每到每醒然

凝露堂前紫薇花雨株每自五月盛開九月乃衰  
似癡如醉弱還佳露壓風欺分外斜誰道花無紅百日紫  
薇長放半年花

暮雨既霽將兒輩登多稼亭

一霎滂沱一霎晴簷間點滴尚殘聲水將樹影亂揉碎月  
與日光相對明試數六宵還五雨坐令夏熱作秋清兒曹  
小住休歸去更聽風蟬子細鳴

苦熱登多稼亭

日脚斜紅欲暮天倚欄垂手弄雲煙兩行相對樹如許一  
葉不搖風寂然刺欲啜茶還罷太却愁通夕不成眠黑絲  
半把垂天外白雨初生遠嶺邊

更散空便倘然不須休日始偷閑鷓鴣邊野水水邊屋城

外平林林外山偶見行人回首却亦看老子立庭間暮蟬  
何苦催歸急只待涼生月半環

暮熱遊荷池上

細草搖頭忽報儂披襟攔得一西風荷花入暮猶愁熱低  
面淡藏碧傘中

月下果飲

恰則天方暮如何月正中一年無此熱今夕絕無風早藕  
凝鬆雪新菱剝醃紅醉鄉堪避暑只合著衰翁

梳頭有感

身在荷香水影中曉涼不與夜來同且拋書冊梳蓬鬢移  
轉胡牀受小風  
同郡同年憶八人七人零落一人存如何獨立薰風裏猶



恐霜華點鬢根

晚涼散策

飯餘浴罷趁涼行  
偶憩池頭最小亭  
醉倚胡牀便成睡  
夢聞荷氣忽然醒

閏六月立秋後暮熱追涼郡圃

夏欲盡頭秋欲初  
小涼未苦爽肌膚  
夕陽幸自西山外  
抹斜紅不肖無

靜坐池亭

胡牀倦坐起凭欄  
人正忙時我正閑  
却是閑中有忙處  
書纔了又看山

秋暑

西軒斜陽半柳陰  
一蟬飛去一蟬吟  
岸巾亭子

眼紅村松樹林

讀白元長慶二集詩

讀過元詩與白詩  
一生少傳重微之  
再三不曉渠何意  
半是交情半是私

瓶中紅白二蓮

紅白蓮花共玉瓶  
紅蓮韻絕白蓮清  
空齋不是無秋暑  
暑被花銷斷不生

揀得新開便折將  
忽然到晚斂花房  
只愁花斂香還減  
來早重開別是香

白蓮半蒼未開時  
看作紅蓮更不疑  
到得欲開渾別了  
玉膚洗退淡胭脂

早起

不分老鈴下苦來驚我眠要知甘寢處最是欲明天未了  
公家事難消月俸錢坐曹臨訟罷殘燭正熒然

感秋

今歲五十二豈爲年少人荷涼欣暑退蟬苦怨秋新澹處  
翻成感彫詩不著塵小兒知得句欲掉小烏巾

南國初涼日東吳欲盡頭露荷幽馥曉雲日淡光秋也愛  
西風爽其如半老休蟬聲與蛩響計會兩催愁

雨後清曉梳頭讀書懷古堂

宿雨猶涼在晨陰欲霽初移牀近秋水正面對芙蓉團扇  
淒無彩生衣凜覺疎欲歸仍小住更讀數行書

檜徑曉步

雨歇林間涼自生風穿徑裏曉逾清意行偶到無人處驚

起山禽我亦驚

謝尤延之提舉郎中自山間惠訪長句

淮南使者郎官星瑞光夜燭荆溪清平生龐公不入城令  
我折却展齒迎交遊雲散別如雨同舍諸郎半爲土二老  
還將兩鬢霜三更重對孤燈語向來南宮綾錦堆南窗北  
窗桃李開先生誦詩舌起雷一字不似人間來剡藤染出  
梅花賦句似梅花花似句幾年金鑰秘銀鈎玉笈不施恐  
飛去秋風呼酒荷邊亭主人自醉客自醒儂能痛飲渠不  
飲飲與不飲俱忘形鬢今如霜心如水功名一念扶不起  
儂歸螺山渠惠山來歲相憇二千里

秋懷

隨分哦詩足散愁老懷何用更冥搜聿來胥宇蟻移穴無

詞齋集卷之十四  
以為家燕入秋蓋世功名吹劍首平生憂患漸矛頭從今  
歸去便歸去未到無顏見白鷗

新涼感興

初退生衣進熟衣新涼只與睡相宜草爭人迹微疎處荷  
怯秋風欲動時又是一年將過眼如何兩鬢不成絲中元  
節後新來懶草冊纔抄第二詩

中秋前一夕攜酒與子仁姪登多稼亭

月忽飛來墮我傍我還飛入月中央如何桂樹許多影不  
隔水輪些子光自古中秋多苦事非風卽雨斷人腸醉來  
不信寒欺酒露濕杯盤凍作霜

重九前五日再遊翟園

翟園不到纔幾日寒梢冷葉秋蕭瑟只有黃花數點開

照青松下蒼石記得春頭來此嬉梅花太瘦杏花肥巷南  
巷北皆春色恰似吾人年少時忽怪翟園許多老園應笑  
我衰容早來歲春光更一來我衰依舊園還少

速子仁姪南歸

酒爲吾人綠花知九日黃風燈秋焰冷霜雁夜聲忙愛子  
文無對嗟予老更狂相分卽相見不待半年強  
再歲來相款三杯忽語離忍將衰老淚滴作送行詩子太  
儂猶住身畱夢亦隨南溪舊風月千萬寄相思

食老菱有感

幸自江湖可避人懷珠韞玉冷無塵何須抵死露頭角荇  
葉荷花老此身

醉吟

古人亡古人在古人不在天應改不留三句五句詩安得  
千人萬人愛今人只笑古人癡古人笑君君不知朝來暮  
太能幾許葉落花开無盡時人生須要印如斗不道金槌  
椽渠口身前只解皺兩眉身後還能更杯酒李太白阮嗣  
宗當年誰不笑兩翁萬古賢愚俱白骨兩翁天地一清風

懷山莊子仁姪

危亭獨上忽徬徨欠箇山莊墮我傍却是向來相聚日老  
懷未解憶山莊  
吾家小阮未西歸日日相從郡圃嬉黃菊拒霜今笑我先  
生也有獨來時

晚登淨遠亭

簿書纔了晚衙催且上高亭眼暫開野鴨成羣忽驚起定

知城背有船來

黃菊

鴛樣衣裳錢樣裁冷霜涼露濺秋埃比他紅紫開差晚時  
節來時畢竟開

晚登子城

鞋響秋霜後襟喧野日初寒溪半灣落遠樹一行疎老矣  
端何苦歸哉不願餘終更猶半歲作麼度居諸

迂使客夜歸

太時岸樹日猶明歸到州橋月已昇水與天爭一輪玉市  
聲人語兩街燈迎來送往鬚成雪索筆題詩研欲水淨洗  
紅塵煩碧酒倦來不覺種騰騰  
病後霜威不見饒吟邊月色苦相撩重簾垂地寒猶入畫

燭無風影自搖誰遣塵埃空老去何曾鷗鷺不吾招坐來  
已是愁無奈草露蟲聲政寂寥

起視青天分外青滿天一點更無星忽驚平地化成水乃  
是月華光滿庭筆下何知有前輩醉來未肯赦空瓶兒曹  
夜誦何書冊也遣先生細細聽

病身已怯九秋涼也復移尊下砌傍只愛杯中都是月不  
知身上幾多霜清愁舊覺天來遠寒夜新添歲樣長不是  
傍人俱欲睡老人無睡亦何妨

城頭秋望

秋光好處頓胡牀旋喚茶甌淺著湯隔樹漏天青破碎驚  
風度竹碧匆忙

未得霜晴未是晴霜晴無復點雲生鷺鷥不遣魚驚散

脚惟愁水作聲

生酒歌

生酒清如雪煮酒赤如血煮酒不如生酒烈煮酒只帶煙  
花氣生酒不離泉石味石根泉眼新汲將麵米釀出春風  
香坐上豬紅間熊白甕頭鴨綠變鵝黃先生一醉萬事已  
那知身在塵埃裏

夜雨

幽人睡正熟不知江雨來驚風颯然起聲若山嶽摧起坐  
不成寐萬感集老懷憶年十四五讀書松下齋寒夜耿難  
曉孤吟悄無儕蟲語一燈寂鬼啼萬山哀雨聲正如此壯  
心滴不灰卽今踰知命已先十年衰不知後此者壯心肯  
更回舊學日荒蕪書冊久塵埃聖處與天似而我老相催

坐念慨未已東窗晨光開

芭蕉雨

芭蕉得雨便欣然終夜作聲清更妍細聲巧學蠅觸紙大聲鏘若山落泉三點五點俱可聽萬籟不生秋夕靜芭蕉自喜人自愁不如西風收却雨即休

苦吟

蟻無秋衣雁有裘霜天謀食各自愁雁聲寒死叫不歇蟻膝凍僵行復休先生苦吟日色晚老鈴來催喫朝飯小兒誦書呼不來案頭冷却黃齏麪

毘陵郡齋追憶鄉味

坐無黃雀牛尾狸荆溪日日思江西若無鵝梨與海錯江西却恐思荆溪舊居江西不自惜到得荆溪却追憶明年

官滿歸江西却憶荆溪再難得江珍海錯各自奇冬裘何曾羨夏絺鵝梨黃雀無不可荆溪江西不關我

和張漢直

宛水吹波解舫齋南徐弔古上高臺岸巾過我燈前語贈句清於月底梅對著酒船手持蟹管渠秋井骨生苔壁間挂古難能許一斗百篇真快哉

齋房戲題

長瓶舉我充自代短檠畱人爲莫逆醉鄉無日不瓜時書圃何朝無菜色欲從舉者便彈冠回顧石交難對席子墨客卿善運籌更問渠儂決去畱墨卿轉問子虛子欲說還忘一笑休

太平寺水

郡人徐友畫清濟黃河

太平古寺劫灰餘夕陽雅照一瑜孤得得來看還不樂竹  
莖荒處破殿虛偶逢老僧聽僧話道是壁間畱古畫徐生  
絕筆今百年祖師相傳妙天下壁如雪色一丈許徐生畫  
水纔盈堵橫看側看只麼是分明是畫不是水中有清濟  
一線波橫貫萬里濁浪之黃河雷奔電卷儘渠猛獨清元  
自不隨他波痕盡處忽掀怒攪動一河秋色暮分明是水  
纔是畫老眼向來元自誤佛廬化作金樞樓銀山雪堆風  
打頭是身飄然在中流奪得太一蓮葉舟僧言此畫難再  
覓官歸江西却相憶并州剪刀剪不得鵝溪足緝官莫惜  
貌取秋濤懸坐側

晚風寒林

已是霜林葉爛紅那禁動地晚來風寒鴉可是矜渠點踏

折枯梢不墮風

樹無一葉萬梢枯  
將濃墨點棲鳥  
底秋江水墨圖  
幸自寒林俱淡筆却

不寐聽雨

雨到中宵寂不鳴  
只聞風拂樹梢輕  
瓦溝收拾殘零水併  
作簷間一滴聲

夜雨獨覺

枕上還鄉枕上回  
更更點點把人催  
雨將苔砌滴到曉風  
揀菽簾疎處來  
每到凋年每多感  
不教睡眼不曾開  
來宵我識華胥路  
莫道茶甌近酒杯

夜聞風聲

作寒作暑無處避  
花開儘他意  
只有夜聲殊可憎  
偏

攪愁人五更睡幸自無形那有聲無端樹子替渠鳴所盡  
老槐與枯柳更看渠儂作麼生

鬢鬢

忽有瓶罌至捲將江海來玄霜凍龜殼紅霧染珠胎魚鮓  
兼蝦鮓奴才更婢才平章堪一飯斷送更三杯

節日新晴歸自天慶

初日明雁腹酸風迎馬頭如何一雨過添却滿城秋澗  
色俱喜槐榆影獨愁節中公事少吏散得吾休

城上野步用韃韃體

初勁無遺暖晴行失老懷葉飛楓骨立葦盡沼套開路好  
仍回首泥殘敢放鞋登臨不須盡留眼要重來

晚興

老來懷抱向誰開歲晚無花薦一杯處分新霜且留菊  
差寒日早開梅只教詩句清如雪看得榮名細似埃管  
諸人端解事也曾遭哦笑渠來

池亭雙樹梅花

開盡梅花半欲殘兩株晴雪作雙寒團欒遶樹元無見只  
合池亭隔水看

多稼亭前小步

櫻桃開過隔牆蒼芍藥叢抽刺土芽最是蜜蜂無意思忍  
將塵脚泥梅花

以糟蟹洞庭甘送丁端叔端叔有詩因和其韻

斗州只解寄鵝毛鼎肉何曾饋百牢驅使水奴供露顆催  
科郭索獻霜螯鄉封萬戶只名醉天作一丘都是糟却被



新詩太清絕喚將雪虐更風饜

凍蠅

隔窗偶見負暄蠅雙脚接掌弄曉晴日影欲移先會得忽  
然飛落別窗聲

壕上書事

十里長壕展碧波痕只太不曾歸鷺鷥已飽渾無幹獨  
立朝陽理雪衣

冬至前三日

故山千里幾時回又見初陽動瑄灰酒不逢人還易醉詩  
如得句偶然來

朝飯罷登淨遠亭

近水孤亭迥紫城一逕斜霜林鳥鵲國水岸鷺鷥家殊覺

冬曦暖還拈小扇遮傳呼惠山水來淪建溪茶

近節

節裏非無事忙中自有閒因風煩白鳥折簡喚青山詩卷  
一兩冊齋房三四間興來長得句却道在塵寰

蠟梅

栗玉圓彫蕾金鐘細著行來從真蠟國自號小黃香夕吹  
撩寒馥晨曦透暖光南枝本同姓喚我作他楊

江梅珍重雪衣裳薄相紅梅學杏裝渠獨小叅黃面老額  
間豔豔發金炷

霜寒轆轤體

滴地酒成凍喧天鴉訴寒窗風經怒響簾日漏溫痕偶爾  
尋梅太其如駐屐難沙鷗脚不襪故故踏冰翻

晚晴獨酌

霜熟寒輕際晚時  
簾間過影一鴉歸  
夕陽端與誰爲地  
只照游塵絮樣飛

城頭晚步

古城秋後不勝荒  
人跡新行一逕長  
竹影已搖將午日  
草根猶有夜來霜

懷古堂前小梅漸開

梅邊春意未全回  
淡日微風暗裏催  
近水數枝殊小在  
一梢雙朶忽齊開  
生愁落去輕輕折  
不怕春寒得得來  
腸斷故園千樹雪  
大江西處亂雲堆

隨意行穿翠篠林  
暗香撩我獨關心  
遙看小朶不勝好  
走近寒梢無處尋  
未吐誰知膚底雪  
半開猶護蕊頭金  
老來

嬾公渾無緒奈此南枝索苦吟

絕豔元非著粉團  
眞香亦不在鬚端  
何曾天上冰玉質  
却怕人間霜雪寒  
枝似去年仍轉瘦  
花於來歲定誰看  
老夫官滿梅應熟  
齒軟猶禁半點酸

揀得疎花折得回  
銀瓶冰水養教開  
忽然燈下數枝影  
喚作窗間一樹梅  
歲律又殘還見在  
我頭自白不須催  
相看姑置人間事  
嚼玉餐香嚙一杯

觀雪

坐有滾來尺許強  
偏於薄暮發寒光  
半空舞倦居然懶  
一點風來特地忙  
落盡瓊花天不惜  
對他梅蕊玉無香  
倩誰細熬成湯餅  
換却人間煙火腸

雪晴

銀色三千界瑤林一萬重新晴天嫩綠落照雪輕紅兒劣  
敲冰柱身清墮蕊官何須師鮑謝詩在玉虛中

晴後雪凍

負暄尚覺日無功炙手仍愁火失紅本是雪前風作雪却  
緣雪後雪生風四郊凍合如相約七日晴來不肯融舊說  
醉鄉堪避暑避寒也合此鄉中

雪凍未解散策郡圃

積雪偏工霽後凝不妨冷極不妨清靜聞簷滴元無雨倒  
挂冰牙未怕晴獨往獨來銀粟地一行一步玉沙聲圃中  
散策饒君強敢犯霜風上古城

雪後十日日暖雪猶未融

地凍雪起立簷生水倒垂日穿銀筍透風作玉山欹今曉

還差暖清寒退尚遲生愁便消去將底伴銀鬢

寒雀

百千寒雀下空庭小集梅梢語晚晴特地作團喧殺我忽  
然驚散寂無聲

雪夜候迎使客

六花不放一塵生晴後猶餘十日凝新月未光輪與雪夜  
風儘冷只畱冰候迎銀漢槎頭客挑盡玉蟲窗下燈紙帳  
蒲團地爐暖自憐不及草菴僧

寄題石湖先生范至能叅政石湖精舍

萬頃平湖石琢成尚存越壘對吳城如何豪傑干戈地却  
入先生杖屨聲古往今來真一夢湖光月色自雙清東風  
不解談興廢只有年年春草生

郡圃殘雪

南風融雪北風凝  
晚日城頭已可登  
莫道雪融便無跡  
雪融成水水成冰  
城外城中雪半開  
遠峰依舊玉崔嵬  
池水綻處纔如線  
便有鴛鴦浮過來

梅露堂燕客夜歸

藥玉船中酒似空  
水沉煙上雪都融  
梅堂客散人初靜  
椽燭燒殘一尺紅

十二月廿一日迎春

星淡孤螢月一梳  
迎春早起正愁予  
土牛只解催人老  
春氣自來何事渠  
官柳野梅殘雪後  
金幡玉勝曉光初  
却思歸跨春山犢  
爾粟仍將挂漢書

正月三日驟暖多稼亭前梅花盛開

春被梅花抵死催  
今年春向去年回  
春回十日梅初覺  
一夜商量一併開  
却緣臘雪勒孤苦  
等待晴光灑麝囊  
小立樹西人不會  
東風供我打頭香

歲之二日欲遊翟園因寒風而止

歲前問尋翟園梅  
不知作麼不肯開  
歲後遣人訪消息  
春風一夜花初拆  
老夫聞此喜欲顛  
小兒終夕不曾眠  
南烹北果手自飭  
漆欄銀瓶色相映  
千騎朝來填戟門  
雙旌已復指梅園  
東風無端動地起  
橫作清寒止  
游子老夫孤悶搔  
白頭小兒勸翁翁  
勿愁人言好事莫作意  
雨妬風憎鬼神忌  
欲游不必言阻游  
不必計從今只揀天色佳  
走就梅

花求一醉

戲題所見

田家不遣兒收豬老烏替作牧豬奴不羞卑冗頗得志草  
根更與豬爲戲一烏驅豬作殼簾一烏騎豬作騏驎騎之  
不穩驅不前坐看頑鈍手無鞭人與馬牛雖各樣一生同  
住烏衣巷叱聲啞啞喙欲乾豬竟不曉烏之言騎者不從  
驅者鬪爭牛訟馬傍無救豬亦自食仍自行一任兩烏雙  
鬪爭不緣一童逐烏起兩烏頃刻鬪至死

梅花下遇小雨

偶來花下聊散策落英滿地球爲席繞花百匝不忍歸生  
怕幽芳怨孤寂仰頭欲折一枝斜自掃白髻明弟少芳人  
勸我不許道我滿頭都是花初來也覺香破鼻頃之無

香亦無味虛疑黃昏花欲睡不知被花薰得醉忽然細雨  
濕我頭雨落未落花先愁三點雨點也不惡未  
片林

落梅有歎

纔看臘後得春饒愁見風前作雪飄脫蕊收將熬粥吃  
英仍好當香燒

郡泊燕堂庭中梅花

林中梅花如隱士只多野氣無塵氣庭中梅花如貴人也  
無野氣也無塵不疎不密隨宜了旋落旋開無不好珠簾  
遣風細爲吹畫簷護霜寒更微詩翁繞堦未得句先送詩  
材與翁語有酒如澗誰伴翁玉雪對飲惟渠儂翁欲還家  
卽明發更爲梅兄畱一月

雨後曉起問訊梅花

前日看梅風吹倒昨日看梅雨霑帽近梅一日或再來遠  
梅隔年纔一到夜來爲梅愁雨聲挑燈起坐至天明不知  
消息平安否早來問訊還疾走橫枝雨後轉清妍玉容洗  
妝晨更鮮絕似孤山半峰雪不羨玉井十丈蓮十事八九  
不如意人生巧墮天公計簿書海底白人頭孤負江南風  
月秋憶昔少年命同社月裏傳觴梅影下一片花飛落酒  
中十分便罰瑠璃鐘如今老病不飲酒梅花也合憐衰翁

壕上感春

長壕無事不耐靜若非緘綃使磨鏡竹君不作五斗謀風  
前折腰也如磬先生節裏城上嬉朝遊暮遊不亦翫情忘  
大聲斗作惡萬鴉退飛一鴉落乃是黑風北來更將黑

雲頭上堆翻手爲晴覆手雨自晴自雨何須怒先生不妨  
且覓句挽之不來推不公坐看梅花一萬枝化石米或作  
團飛紛紛掠面收不得稍稍積砌吹還稀落盡梅花天不  
管晚來許寒朝許暖一年待春春不回一年探梅梅不開  
春回今纔幾許日梅間如何頓蕭瑟少壯幾時奈老何落  
花未抵春愁多

觀小兒戲打春牛

小兒著鞭鞭土牛學翁打春先打頭黃牛黃蹄白雙角牧  
童絲篔簹青篔今年土脉應雨膏去年不似今年樂兒聞  
年登喜不飢牛聞年登愁不肥麥穗卽看雲作帚稻米亦  
復珠盈斗大田耕盡却耕山黃牛從此何時閑

謝親戚寄黃雀

萬金家書寄中庭  
贖背仍題雙掩  
并不知千里寄底物  
白泥紅印三十瓶  
甕瓶淺染菜萸紫  
心知親賓寄鄉味  
印泥未開出饒水  
印泥一開香撲鼻  
江西山間黃羽衣  
純綿被體白如脂  
偶然一念墮世網  
身插兩翼那能飛  
誤蒙諸公相俎  
豆月裏花邊一杯酒  
先生與渠元不疎  
兩年眼底不見渠  
端能訪我荆溪曲  
願借前籌酌鄴滌

得小兒壽俊家書

父子初別雙淚垂  
別我既久忘却息  
忽得一書喜且悲  
恰似向來初別時  
汝翁在官緣索米  
吾兒在家勉經史  
舉頭三千四百里  
亘山啼鳥偏入耳  
詩成自哦只自知  
便風不敢寄吾兒  
汝望白雲穿却眼  
若得此詩恐腸斷  
新羅頭父子早歸  
田粗茶淡飯終殘年

書莫讀

書莫讀詩莫吟  
讀書兩眼枯見骨  
吟詩个字嘔出心  
人言讀書樂人言吟詩好  
口吻長作秋蟲聲  
只令君瘦令君老  
君瘦君老且勿論  
傍人聽之亦煩惱  
何如閉目坐齋房  
下簾掃地自焚香  
聽風聽雨都有味  
健來即行倦來睡

春草

天欲遊人不踏塵  
一年一換翠茸茵  
東風猶自嫌蕭索  
更遣飛花繡好春  
年年春色屬垂楊  
金撚千絲翠萬行  
吟歲草芽先得計  
攬它濃翠奪它黃

小瓶梅花

梅萼纔開已亂飛  
不堪雨打更風吹  
蕭蕭只隔窗間紙  
瓶

裏梅花揔不知

夜坐

繡簾無力護東風  
燭影何曾正當紅  
獸炭貂裘猶道冷  
梅花不易立霜中  
寒宵老眼只長醒  
蝴蝶頻催夢不成  
不是三更三四點  
如何一睡到天明

鳩啣枝營巢樹間經月不成而去

鳩婦那知自不材  
樹陰疎處起樓臺  
可憐積木如山樣  
一柄何曾架得來

鵲營巢既成爲鳩所據

乾鵲平生浪苦心  
一年卜築一番新  
如何月下空三匝  
宅子還將住別人

上元前大雪卽晴

臘前三白已奇絕  
年後六花仍作團  
纔定忽斜偏有息  
欲消還凍不勝寒  
且畱大地萬銀屋  
要伴青天孤玉盤  
今歲上元君記取  
紅燈白月雪中看

郡中上元減舊例三之二而又迎送使客

紅錦芙蓉碧牡丹  
今番燈火減前番  
雪泥沒膝霜風緊  
也有遊人看上元

此使纔歸南使來  
前船未送後船催  
元宵行樂年年事  
兒女嗔人夜不回

憶昔三衢看上元  
玉虹橫貫水精簾  
窮州今日酸寒殺  
老眼看來自不歡

兒時行樂幾時愁  
老去情懷懶出遊  
市上人家重時節  
典



釵賣鈿買燈毬

不是東風巧剪裁如何春夜碧蓮開江城寂寞無歌舞喚得梅花勸一杯

雪後樓臺欲暮時遊人只道上燈遲月輪貼至梅花背錯認梅枝作桂枝

村裏風回市裏聲月中人看雪中燈滿城只道歡猶少不道譙門冷似冰

郡圃杏花

小樹嫣然一兩枝晴薰雨醉摠相宜纔憐欲白仍紅處政是微開半吐時得幸東風無忌對主張春色更還誰海棠穠麗梅花淡匹似渠儂別樣奇

迤出千花合受降不然受拜亦何妨行穿小樹尋晴朶自

挽芳條臭暖香却恨來時差已晚不如清曉看新妝朗吟清露溫風句惱殺詩翁只斷腸

華堂秀才著六經解以長句書其後

河圖三畫已剩著堯典萬言猶欠却向來潛聖天何言六經非渠一手作杏花壇下撥不開天公更遣麒麟催乾坤造化登青竹洙泗光芒付綠苔堂上書生真苦相蠹簡嚼穿渾不放屋上架屋更屋上後千萬年作何樣華元夜登子反林華堂晨趨孔子堂當時浪說析骸骨今日覃思雕肺腸華君將身博凍餒毛穎可憐彼何罪君不見老農驅牛耕墾頭稻雲割盡牛亦休毛穎爲君禿盡髮問君何時放渠歇短檠青燈明復滅

春夜孤坐

梅花雪後杏花風老面逢春只強紅詩句行來行去裏情  
懷不醉不醒中

休日城上

望中遠樹各依行春後新晴未斷霜池面得風呈縹碧梅  
鬚經雨褪危黃

東窗梅影上有寒雀往來

梅花寒雀不須摹日影描窗作畫圖寒雀解飛花解舞君  
看此畫古今無

燒香

小閣疎櫺春晝長沉煙半穗弄輕黃老鈴略不知人意故  
故拏簾放出香

探春

五日纔能一日來眼生方覺有春回向來日日頻來探只  
道園花不肯開

晚晴

風吹點滴曉簷聲雲散朦朧晚日明楊柳染絲纔喜雨梅  
花泣玉却祈晴

先生老態似枯禪解近東風也欲顛纔雨更晴寒便暖四  
時佳處是春天

理髮

髮脫心知不再生新年底急頓星星城邊老柳也欺我春  
裏滿頭依舊青

晚照

閒對斜陽數隙塵何曾萬事一關身湯瓶得火自相語酒

詞苑英華卷之三十一  
三十一  
璣爲人先作春

新除廣東常平之節感恩書懷

已愧雙旌古晉陵更堪一節古羊城偶逢舊治年頻熟忽  
署新銜手尚生山與君恩誰是重身如秋葉不勝輕向來  
百鍊今繞指一寸丹心白日明

芥薺

此薑馨辣最佳蔬蓀芥芳心不讓渠蟹眼嫩湯微熟了鵝  
兒新酒未醒初棖香醋釀作三友露葉霜芽知幾鋤白笑  
枯腸成破甕一生只解貯寒齋

辭滿代者未至

一麾來此恰三年到得終更分外難老眼看燈渾作暈愁  
心得酒不成歡

行圃

摘杞搜枯梗攀花脫脆包蝶成新樣粉柳送隔城梢  
淡天薄日倦春遊蒼檜叢篁引徑幽忽有小風人未覺薺  
花無數總搖頭

春半問歸雁

春光淡淡沒人知我正南歸雁北歸頭上一聲如話別  
生長是背人飛

毗陵辭滿出舍添倅廳

小住丞廳更一旬客魂先入故鄉春未離鼓角聲中夢已  
是譙門外面人

寓倅廳寒榻不寐

不堪斜雨打虛窗只願晴陽送曉光自是老人眠不著近

來春夜幾會長樓頭吹動梅花曲夢裏猶疑燕寢香道是  
官居如客舍等閑一宿兩年強

遊翟園

花枝劣相絳人衣蜂子顛狂觸面皮一巷海棠千架錦兩  
堤楊柳萬窩絲

西歸集

初離常州夜宿小井清曉放船

五九

攔街父老不教行出得東門已一更一事新來偏可意夢  
中間打放船鉗

晨炊只煮野蔬湯更揀鮮魚買一雙病眼未能禁曉日西  
窗莫閉閉東窗

春旱愁人是本年如今說著尚心酸篙師莫遣船遲著見  
說蘇州好牡丹

雨中遠望惠山

准擬歸時到未遲歸時不到悔來時惠山不識空歸去枉  
與常州作住持

舟中雨望

謝齊西歸集卷一  
船窗淡閉懶看書獨倚船門慙白鬚雨共長河織青錦金  
錢暈上滴真珠

曉經潘葑

油窗著雨光不濕東風忽轉西風急蓬聲蕭蕭河水澁牽  
船不行人却立雨中篙師風墮笠潘葑未到眼先入岸柳  
垂頭向人揖一時喚入誠齋集

惠山雲開復合

三年常州不識山惠山一見開心顏只嫌雨裏不子細髣  
髴隔簾青玉鬟天風忽吹白雲坼翡翠屏開倚南極政緣  
一雨染山色未必雨前如此碧看山未了雲復還雲與詩  
人偏作難我船自向蘇州太白雲穩向山頭住

泊舟無錫雨止遂遊惠山

天教老子不空回船泊山根雨頓開歸去江西人問我也  
曾一到惠山來

出惠山遙望橫山

三日橫山反覆看殷勤送我惠山前常州更在橫山外只  
望橫山已杳然

舟過望亭

常州盡處是望亭已離常州第四程柳線絆船知不住却  
教飛絮送儂行  
此去蘇州半日期歸心長是覺船遲一村樹暗知何處兩  
岸草青無了時

將近許墅望見虎丘

許墅人家遠樹前虎丘山色夕陽邊石橋分水入別港茆

屋垂楊仍釣船

泊船百花洲登姑蘇臺

二月盡頭三月初繫船楊柳拂菰蒲姑蘇臺上斜陽裏眼  
度靈巖到太湖

舟中小雨

漠漠輕寒粟脫膚醱釀半落牡丹初顛風無賴難拘管小  
雨多情爲破除半世光陰行路裏一年春事客愁餘浙西  
尚遠江西在何日漳濱買白魚

從范至能叅政遊石湖精舍坐間走筆

孤埵鷗邊迥千巖鏡裏看折花倩人插摘果護窗寒不是  
無相識相從却是難歸舟望精舍已在白雲端  
震澤分波入垂虹隔水看何須小風起生怕牡丹寒政坐

諸峰好端令落筆難催人理歸棹落日許無端

再登垂虹亭

長年三老不須催且據胡牀未擬回白晝驚人星滿地日  
光碎處萬波來

夜泊平望終夕不寐

船中新熟睡難成聽盡漁舟掠水聲不分兩窗窗外月如  
何不爲別人明

櫻桃湖裏月如霜偏照征人寸斷腸醉裏不知家尚遠夢  
回忽覺路初長

一生行路便多愁落得星星兩鬢秋數盡歸程到家了此  
身猶未出蘇州

小泊海堰登明孝寺

泊船梅堰日微昇一逕深深喚我登隨分垂楊兼老檜備  
員野寺更殘僧

宿湖甫山

夜泊湖甫山綠楊護危堤迅雷將殘雨似猛竟復微曉月  
解風纜熟睡初不知起來問宿處千山翠相圍霽峰有剩  
靄旭溪無倚輝遠樹蘆外出若與船爭馳多情更林埕寸  
步不相離後送欣已遠前迎復在茲不知埕意厚爲復船  
行遲誰能仆此埕庶不淹吾歸獨感夜來雨政作朝涼資  
過雲川大溪

菰蒲際天青無邊只堪蓮蕩不堪田中有一溪元不遠摺  
作三百六十灣政如綠錦地衣上玉龍盤屈於其間前船  
未轉後船隔前灣望得到不得及至前灣到得時只與後  
灣纔咫尺朝來已度數百縈問知德清猶半程老夫乍喜  
權夫悶營有到時君莫問

雲溪

道場山背是吳興只不教人到德清雲水相畱無別計却  
將溪曲暗添程

晨炊白昇山

俗傳葛仙翁於此白日昇天故名

千峰爲我旋生妍我爲千峰一灑然雲掠石崖啼鳥樹雨  
添山澗落花泉心知童僕多飢色目斷茅簷半穗煙只道  
晨炊食無肉竹根斤笋兩三錢

小舟晚興

蒨蓬舊屋雨聲乾蘆葦新簷暖日眠枕底席邊俱綠水脚  
根頭上兩青天

人在非晴非雨天  
舩行不浪不風閒  
坐來堪喜還堪恨  
看得南山失北山  
潮痕初落水猶肥  
雨點纔來已復微  
半濕岸沙危欲落  
牽船稚子去如飛  
一船在後忽攙前  
前後篙師各粲然  
山入春來肥更秀  
向人依舊聳寒肩

過橫山埕下

六年三度過蘭溪  
總是殘春首夏時  
最感橫山山上埕  
迎人東去送人西

宿潭石步

三更無月天正黑  
電光一掣隨霹靂  
雨穿天心落蓬脊  
急風橫吹斜更直  
疎蓬穿漏濕牀席  
波聲打枕一紙隔  
夢中驚起眠不得  
攬衣危坐三歎息  
行路艱難非不歷  
平生不曾似今夕  
天公嚇客惡作劇  
不相關白出不測  
收風拾雨碎無策  
如何乞得東方白  
垂頭縮脚正偏仄  
忽然頭上復一滴

過安仁市得風挂帆

西望柯山正蔚藍  
衢州只在此山南  
却愁路盡風猶刺  
回納清風與破帆

舟中戲題

花處青山柳處溪  
新來宿處舊曾炊  
到家失却行程曆  
只檢西歸小集詩

上章戴灘

脫巾枕手仰哦詩  
醉上諸灘總不知  
回看他船上難苦方



知他看我船時

三月二十七日送春絕句

只餘三日便清和儘放春歸莫恨他落盡千花飛盡絮留  
春肯住欲如何

春盡感興

春事忽忽掠眼過落花寂寂奈愁何故人南北音書少野  
渡東西芳草多筍借一風爭作竹鷺分數子別成窠青燈  
白酒長亭夜不勝孤舟兀綠波

明發三衢

拔盡新秧插盡田出城一眼翠無邊不關雨水愁行客政  
是年年雨水天

衝風破雨正愁人愁得心情沒半分何處吹來好消息諸

峰放散夜來雲

雲欲開時又不開問天覓陣好風催雨無多落泥偏滑溪  
不勝溪岸故顏

插秧歌

田夫拋秧田婦接小兒拔秧大兒插笠是堯鑿箕是甲雨  
從頭上濕到脚喚渠朝餐歇半霎低頭折腰只不答秧根  
未牢時未匝照管鵝兒與雛鴨

明發平坦市

花飛滋曉寒乘味新夜聽萬象宿雨餘潔齋無欠淨霽曦  
輒欲吐遠峰忽復暝林廬居者誰戶與碧山映薔薇上木  
未不架得初性彼卧晏未興我征漂靡定惻然懷吾廬花  
竹幽更盛茲焉獨足美自視不差勝顧瞻江之西心速路

逾夏似聞前溪水盡還舊沙徑

九山道中驚麥大熟

黃雲割路幾肩歸紫玉炊香一飯肥却破麥田秧晚稻未  
教水牯卧斜暉  
新晴戶戶有歡顏曬爾攤絲立地乾却遣綠車聲獨怨今  
年不及去年閒

午憩

嫩綠桐陰夾道遮爛紅野果壓枝斜日烘細草香無價况  
有三枝兩朶花

過堯塘渡

雪浪無堅岸金沙有退痕斷橋猶半板湫樹欲枯根爲問  
新來漲今年第幾番昨來愁此渡已濟不堪論

度小橋

危橋度中半溪溪動人心欲返業至此將進眩下臨已涉  
尚回顧溪水知幾深誰能大此橋以安往來人

小憩二龍爭珠蓋雨長嶺夾一圓峰故名自此出官

路入山路云

田路直復縈肩輿斜還正如何晴三日猶自滑一徑缺岸  
有危棧方軫無穩輿不跌先獨驚稍坦溪自慶肯信坐者  
安不及行者病昨來九軌塗可思不可更忽逢雨蒼虬爭  
此一照乘頗欲問故老雙爭誰孤勝水聲亂人語一辭無  
真聽輕風從袂疇眾綠久未定崎嶇從此始辛苦何時竟  
早炊楊家塘

枯樹藤爲葉遙峰石作鬢如何每行客不勸自加餐浙界

詞苑西歸集  
一  
殘零處江東咫尺間炊煙戀茅店飛出却飛還  
四月四日午初出浙東界入信州永豐界  
外面千峰合中間一徑通日光自搖水天靜本無風村酒  
渾春綠林花倦午紅莫欺山堦子知我入江東

松陰小憩

不但先生倦不蘇僕夫也自要人扶青松數了還重數只  
是從前八九株

宿靈鷲禪寺

暑中帶汗入山中霜滿風篁雪滿松只是山寒清到骨也  
無霜雪也無風  
初疑夜雨忽朝晴乃是山泉終夜鳴流到前溪無半語在  
山做得許多聲

道傍小憩觀物化

蝴蝶新生未解飛鬚拳粉濕睡花枝後來借得風光力不  
記如癡似醉時

晨炊玉田聞鷺觀鷺

曉寒顧影惜金衣著意聽時不肯啼飛入柳陰多處太數  
聲只許落花知  
清溪欲下影先翻隻鷺還將雙鷺看綠玉脰長聊試淺素  
瓊裳冷不禁寒

永豐驛逢故人趙伯庭過叔

同官顛水聽青春消息中間兩不聞道我未衰君莫戲不  
須看我只看君

出永豐縣西石橋上聞子規

花愁月恨只長啼，雨夕風晨不住飛。自出錦江歸未得，至今猶勸別人歸。  
怨笛哀箏憶不如，一聲聲徹九天虛。若逢雨後如何聽，幸得花時莫管渠。

詩情

只要凋詩不要名，老來也復減詩情。虛名滿世真何用，更把虛名賺後生。

四月十三日渡鄱陽湖

湖心一山曰康郎山其狀如蛭浮水上

泊舟番君湖，風雨至夜半。求濟敢自必，苟安固所願。孤愁知無益，暫忍復永歎。夜久忽自睡，倦極不知旦。舟人呼我起，順風不容緩。半篙已湖心，一葉恰鏡面。仰見雲衣開，側視帆腹滿。天如瑤璃鐘，下覆水晶碗。波光金汁瀉，日影銀

柱貫康山杯中蛭，廬阜帆前幔。豁然地無蒂，渺若海不岸。是身若虛空，御風游汗漫。初憂觸危濤，不意拾奇觀。近歲六暄涼，此水三往返。未涉每不寧，既濟輒復玩。游倦當自歸，非爲猿鶴怨。

已至湖尾望見西山

好風穩送五湖船，萬頃銀濤半霎間。已入江西猶未覺，忽然對面是西山。  
蘆荻中間一港淡，萋蒿如柱不成簪。正愁半日無村落，遠有人家在樹林。  
千里都無半點山，如何敢望有人煙。不教遠樹遮攔却，蘆荻生來直到天。

送鄉人余文明勸之以歸

一別高人又十年，霜筋雪骨健依然。席門未害車多轍，斗酒尚能詩百篇。蒼狗白衣俱昨夢，長庚孤月自青天。故山松菊平安在，何日歸歟解釣船。

送王季山主簿省親樞府

六館名流王季山，十年風雨短檠寒。不曾文字饒羣子，勉爲庭闈就一官。伯也騰身紫極上，叔兮著眼白雲端。會當再奏河東賦，姓字從頭揭榜看。

秋蟲

蟬哀落日恰纔收，蛩怨黃昏正未休。催得世人頭總白，不知替得二蟲愁。

病中感秋時初喪壽隄子

臨曉睡偏重，不知窗已明。高梧下清露，宿鳥有寒聲。愁豈

關鬚事，秋來添雪莖。病身仍哭子，併作老來情。

秋熱

多難幽懷慘不舒，秋風殘暑埽難除。一生最怕西窗日，長是醱醲架子疎。

年年極暑與秋期，日日秋陽在暮時。我自愁吟無意思，蟬聲移近入簷枝。

夜坐

夜永留清坐，詩臞稱病容。溪鳴風處竹，月濕露中松。喜事何曾夢，燈花詎殺儂。欲歸歸已得，歸得却無悰。

中秋病中不飲二首後一首用轆轤體

去年兩浙浙西州，今夕南溪溪上頭。滿著玻璃一盆水洗，開玉鏡十分秋。病來不飲非無酒，老去追權總是愁。自笑

獨醒仍苦詠枯腸雷轉不禁搜  
無風無雨併無雲今歲中秋儘十分畢竟水輪誰爲轉碾  
穿玉宇不生痕坐看兒輩紛然飲也遣先生半欲醺自是  
清尊負明月不關明月負清尊

中秋月長句

西山走下丹砂丸東山飛上黃金盤徑從碧海升青天半  
濕尚帶波濤痕初輝淡淡寒不動月華猶輕杆華重黃羅  
團扇暗花紋蹙金突起雙龍鳳須臾正面天中央銀鉏退  
盡向來黃乾坤鏖入冰壺裏萬象都無只有光平生愛月  
愛今夕古人與我同此癖今年中秋天漆黑今年中秋月  
雪白先生舊不論升斗近來畏病不飲酒月中醒眼搔白  
首明年月似今宵否

秋雨初霽

松竹陰寒分外蒼芭蕉花濕夢中香抽身朱墨塵埃裏入  
眼山林氣味長今日更無秋熱忒曉晴猶帶雨餘涼却將  
白髮三千丈線作霜絲補錦囊

病後覺衰

病著初無惱安來始覺衰人誰長健底老有頓來時山意  
淒寒日秋光染瘦詩小松能許劣學我弄吟髭

昨日訪子上不遇裴回庭砌觀木犀而歸再以七言

乞數枝

昨攜兒輩叩雲關繞遍巖花恣意看苔砌落淡金布地水  
沉蒸透粟堆盤寄詩北院賒秋色供我西窓當晚餐小朶  
出叢須折却莫教折破碧團圓

拒霜花

水渠何似水芙蓉同箇聲名各自都風露商量借膏沐  
脂淡淡入肌膚喚回春色秋光裏饒得紅妝翠蓋無字曰  
拒霜渾不惡却愁霜重要人扶

不寐

老來只願酒難醒酒力纔醒夢便驚露滴新寒欺病骨  
宦遊如夢記平生溪山五鼓雞吹角落月一窗鵝打更  
等待曉光凋好句曉光未白句先成  
非關枕上愛哦詩聊復銷愁片子時老眼強眠終不夢  
空腸暗響訴長飢翻來覆去體都痛乍暗忽明燈為誰  
只道晝長無那著夜長難禁不會知  
暗蟲夜啼不肯停直從黃昏啼到明不知討論底事著為

復怨嗟誰子生至竟通宵千萬語真實只是兩三聲唧唧  
唧唧復唧唧此外何言君試聽

初聞一天雨大聲次第遠近雞都鳴今日明朝何日了南  
村北巷幾人行忽思春雨宿茅店最苦僕夫催去程是時  
懶起惜殘睡如今不眠愁獨醒

戲題常州草蟲枕屏

黃蜂作歌紫蝶舞蜻蜓蚱蜢如風雨先生晝眠紙帳溫無  
那此輩喧夢魂眼中了了華胥國蜂催蝶喚到不得覺來  
忽見四摺屏野花紅白野草青勾引飛蟲作許聲何緣  
生睡不驚

和李與賢投贈之韻

山似剡溪溪似油人如詩句句如秋無邊春裏花饒笑有

底忙時草喚愁

寄題李與賢似剡菴

四明狂客一茅屋，勅賜剡川纜。一曲安福詩人李與賢，大書似剡山扉前。我曾著脚勾踐國，奉詔昭陵省松栢。是時八月欲半頭，鏡湖不是人間秋。嵇山影落水精闕，荷花露滴波中月。季真茅屋荒蒼苔，古木哀猿啼禹穴。今君結屋阿那邊，足似剡川若箇言。我到剡川君未到，似和不似然不然。君不見與公舊草天台賦，元不曾識天台路。一俛仰間已再升，何用瘦藤與芒屨。

蕙花初開五言

幽人非愛山，出山將何之。山居種蘭蕙，歲寒久當知。初菘止百畝，餘地惜奚爲。先生無廣居，千巖一茅茨。四面祇菘蕙，蕙中間纜置。錐銳綠分宿，叢修紫擢幼。枝孤幹八九，花一花破初。麤西風淡無味，微度成香吹。燈夢得幽馥，月寫傳靜姿。我欲掇芳英，和露充宸炊。春然惻不忍，環玩息忘飢。豈無衆花草，不願秋不逞。種時亂不擇，歲晚悔可追。

木犀落盡有感

一歲秋香又一空，落英顛顛怨西風。開時占斷西風曉，豈念荷花脫病紅。

戲筆

野菊荒苔各鑄錢，金黃銅綠兩爭妍。天公支與窮詩客，只買清愁不買田。我詩只道更無題物物，秋來總是詩著意。染鬚玄尚白，梳頭得蝨素成緇。



飲罷散策遇細雨

秋暄團扇尚堪攜病脚朝來健似飛偶到溪頭晴喚出未窮山頂雨催歸

重九日雨仍菊花未開用輓轡體

良辰巧與賞心違四者能并自古稀恰則今年重九日也無黃菊雨三枝閉門幸免吹烏帽有酒何須望白衣正坐滿城風雨句平生不喜老潘詩

西齋睡起

小睡西齋聽雨涼竹雞裏夢難長開門山色都爭入只放青蒼一冊方

讀陳蕃傳

仲舉高談亦壯哉白頭狼狽只堪哀枉教一室塵如積天

下何曾掃得來

夜寒獨覺

見啼驚覺夢中身恰則華胥正問津脚到五更偏作冷老來萬事不如人若無宵月誰相伴聽盡雞聲不肯晨尚有布衾寒似鐵無衾似鐵始言貧

雨晴得毗陵故舊書

雀聲只喜晚晴新不管畦蔬雨未勻日與山光弄秋色鼠將竹影掃窗塵多時浙右無消息忽有書來問老人知我近來頭白盡寒暄語外更情親

憂患感歎

老去情懷已不勝愁邊災患更相仍曾中莫著傷心事東處銷時西處生

霜曉

荒荒瘦日作秋暉稍稍微暄破曉霏只有江楓偏得意夜  
接霜水染紅衣

慶長叔招飲一杯未醕雪聲雝然卽席走筆賦十詩  
晚飲西隣大阮家天風吹雪入簷牙呼童淨掃青苔地莫  
遣纖塵浣玉花  
長廊盡處繞梅行過盡風聲得雪聲醉裏不愁飄濕面自  
舒翠袖點瓊英  
老手那知鬢脚凋忍寒拚命看珠跳却嫌地暖無冰凍恰  
則飛來恰則銷  
梅花得雪更清妍折入燈前細撚看下却珠簾教到地橫  
枝太瘦不禁寒

雪正飛時梅正開情人和雪折庭梅莫教顛脫梢頭雪千  
萬輕輕折取來

急雪穿簾繞蠟燈梅花微笑古銅餅朔風惡極驚人殺吹  
倒琉璃六曲屏

南烹北果聚君家象箸冰盤物物佳只有蔗霜分不得老  
夫自要嚼梅花

不是今朝雪不清只愁清殺老書生不知落得幾多雪做  
盡北風無限聲

酒香端的似梅無小摘梅花浸酒壺莫遣南枝獨醒著一  
杯聊勸雪肌膚

燕寧軒裏集羣仙薄宦歸來又兩年梅影舞風風舞雪勸  
人何苦怯金船

克信弟坐上賦梅花二首

對酒初驚髮半華折梅還覺興殊佳如何屋角西南月只照梢頭一兩花自是向來香寂寞不須更道影橫斜枝別有春無價和靖何曾覓得些

月波成露露成霜借與南枝作淡妝寒入玉衣燈下薄春撩雪骨酒邊香却於老樹半枯處忽走一梢如許長道是疎花不解語伴人醒醉替人狂

送談命曾南翔

今年見說也無錐政坐談天泄密機舉世近來憎直語貴人剩許未爲癡

寄題萬安縣劉元襲橫秀閣

玉簪成陣雪成堆秀氣橫空撥不開楚岫蒼寒五雲外巔

江白寫九天來煙銷日出皆詩句月色波聲喚夢回早晚攜家過高閣寄詩聊當一枝梅

春盡舍舟餘杭雨後山行

前夕船中索簟眠今朝山下覺衣單春歸便平平過須做桐花一信寒

十二月二十七日大雪中過言水小盤渡西歸

風卷寒江浪濕天斜吹亂雪忽平船碧琉璃上瓊花裏獨載詩人孟浩然

山居雪後

春近能餘幾許寒雪花纔落便消殘青松根上蘭根下猶得三朝兩日看

一點紅塵未敢生松間雪後政堪行日光半破風微度時

作高林落果聲

二十七日...

春盡...

燕...

